



DS
735
A2586
17712
V. 44





御批歷代通鑑輯覽卷之八十七

宋

高宗皇帝

丙寅紹興十六年。金皇統六年。春正月。行耜田禮。

先是。知虔州

續綱目作虔州。今依宋史高宗紀。及秦檜傳。改正。

薛弼

字直老。溫州永嘉人。

言。州民朽柱中有文曰。天下太平年。秦檜大喜。乞詔付史館。于是修彌文以飾治具。如鄉飲耕藉之類。節節備舉。爲苟安餘杭之計。自此不復巡幸江上。而祥瑞之奏日聞矣。

夏五月。金右丞相韓企先

燕京人。卒。

企先爲金右丞相。每欲爲官擇人。專以培植獎勸後進。

虛中身膺使命自請留金
竟爾受官爵典詞命既已
不忠乎宋及降事北朝肆
為譏訕又復無禮于金則
其生已為可羞其死更由
自取而宋史列傳尚多褒
詞且信王倫之言許其守
節史冊毀譽失實顧若是
其不足憑耶

為己任。推轂士類。甄別人物。一時臺諫多君子。號稱賢相。

六月。金殺其翰林學士宇文虛中。

金人重虛中之才。號為國師。而虛中恃才輕肆。好譏訕。凡見女真人。輒以礦鹵目之。貴人達官。積不能平。至是唐古充愛。舊作唐括。今改。後仿此。家奴。告虛中謀反。有司鞫治。

無狀。乃羅織虛中家圖書為反具。虛中曰。死自吾分。至

于圖籍。南來士大夫家家有之。翰林直學士高士談。字

默。瓊之孫。圖書尤多于我家。豈亦反邪。有司承順風旨。并殺

士談。于是虛中與老幼百口。同日焚死。

秋九月。金劉豫死。

冬十二月金遣使如西遼。西遼殺之。

先是回紇遣使入貢于金。言耶律達什

時達什林牙已死。西方諸部仍

以達什

與其國鄰。金遣鈕祜祿哈努勒

舊作粘割。韓奴今改。與其

使俱往。遇遼主于野。哈努勒語不遜。遼主怒而殺之。

丁卯

十七年

金皇統七年。

夏四月金主醉殺其戶部尚書宗禮。

金主自卽位以來。委政于尼瑪哈幹布烏珠。雖初年國

家多故而吏清政簡。百姓樂業。旣而其後費摩氏

舊作裴滿

氏。今改。

干政。朝官往往因之以取宰相。金主欲立繼嗣。

後仿此。爲后所制。心不能平。因縱酒自遣。酣怒。至于手刃侍臣。

至是宴便殿。金主被酒。彊諸王飲。不能俱逃去。金主大

怒。時惟戶部尚書宗禮在側。乃使之跪。手殺之。

五月安置饒州通判洪皓于英州。

先是皓居母喪。秦檜黨猶謂皓睥睨鈞衡。及終喪。除饒

州通判。李勤又附檜。續綱目作饒州通判李勤。考宋史

若以爲李勤官。則上文除字將安所指乎。續綱目誤甚。今依宋史改正。誣皓作欺世飛語。

責濠州團練副使。英州安置。

六月。金殺其橫海節度使田穀。

初。韓企先引穀爲吏部侍郎。孟浩字浩然。濠州人。爲左司員外

郎。銓敘得人。時烏珠當國。其所任刑部員外郎蔡松年。

字伯堅。求與穀相結。穀薄其爲人。拒之。松年遂日短穀

于烏珠。企先卒。卽出穀爲橫海節度使。及是尚書省令

史許霖首告穀在吏部時爲選人龔夷鑒倒用日月事。

霖亦烏珠所親信。與蔡松年構成其獄。殺穀及左司郎中奚毅。翰林待制邢具瞻。并王植。高鳳廷。主倣。趙益興。與夷鑒等。其妻子及所往來孟浩等。皆徙海上。仍不以赦原。天下冤之。

秋八月。故相趙鼎卒于吉陽軍。

鼎潛居深處。門人故吏皆不敢通問。惟廣西帥張宗元時饋糲米。會降旨。趙鼎李光遇赦。永不檢舉。且令本軍月具存亡申省。鼎遣人語其子汾曰。秦檜必欲殺我。我死。汝曹無患。不爾。禍及一家矣。自書墓中石。記鄉里及除拜歲月。且書銘旌云。身騎箕尾歸天上。氣作山河壯本朝。遺言其子乞歸葬。遂不食而死。天下聞而悲之。鼎為

相專以固本為先。以為本固而後敵可圖。讐可復。惜其見忌于檜。齎志以沒。然中興賢相。鼎為稱首。鼎既卒。參知政事段拂為之嘆息。秦檜怒。遂罷拂為資政殿學士。尋落職。興國軍居住。昌府。興國軍。朱置。今為州。屬湖北武昌。

九月。罷四川宣撫副使鄭剛中。

剛中治蜀有方畧。秦檜忌之。使人求其陰事。召還。責桂陽軍安置。未幾。四川宣撫司亦罷。

冬十月。辛卯朔。日食。

十二月。金及蒙古和。

初。達賚既誅。其子勝花都郎君。

金史達賚傳誅達賚并殺二子幹爾達額特布。

此勝花都郎君或其幼子。事出大金國志。金史無考。按幹爾達舊作幹帶。額特布舊作烏達補。今改。後仿此。

率其父故部曲以叛。興蒙古通。蒙古益彊。烏珠討之。連

年不能克。乃與之議和。割西平河。

方輿紀要。即臚胸河。宋紹興中。金人與蒙

古和。割河以北地與之。即此。考臚胸河下流與黑龍江合。蒙古在黑龍江之北。則此西平河。或即臚胸河之下流也。臚胸河以北二十七團寨與之。歲遺牛羊米豆源委。注詳前。

且冊其長鄂羅貝勒。

舊作熬羅。字極烈。今改。後仿此。

為蒙輔國王。不受。

自號大蒙古國。至是始和。歲遺甚厚。于是鄂羅貝勒自稱祖元皇帝。改元天興。

戊辰

十八年。

金皇統八年。

春三月。以秦熺知樞密院事。

秦檜問勅令所刪定官胡寧。

字和仲。安國第三子。

曰。兒子近除。外

議如何。寧曰。以為必不襲蔡京之迹。檜怒之。

已而熺乞避父子共

政。遂罷為觀文殿學士兼侍讀。位次右僕射。尋加少保。

夏四月戊子朔日食。

五月放浙東副總管李顯忠于台州。

顯忠熟知西邊山川險易。因上恢復策。秦檜惡之。降官奉祠。台州居住。

六月。金以完顏亮

即海陵。幹布之子。太祖之孫。本名廸古。舊作乃。今改。後仿此。

平章

政事。

亮為人慄急猜忌。殘忍任數。自以已與金主同為太祖孫。常懷覬望。及為中京留守。專立威以厭伏小人。結明

安蕭裕。

本名伊徹。奚人。按伊徹舊作遙折。今改。後仿此。

每與論天下事。裕傾險

揣知其意。因曰。留守先太師。太祖長子。德望如此。人心天意。宜有所屬。誠有志舉大事。願竭力以從。亮喜。遂與謀議。及入為右丞。進平章。務攬持權柄。用其腹心為省

臺要職引裕爲兵部侍郎。

是冬以亮爲右丞相亮生日金主遣近侍局直長大興國

以司馬光畫像王吐鵲廐馬賜之。后亦附賜禮物金主聞之怒杖興國而奪回賜物亮本懷不軌疑畏愈甚。

冬十月金太師都元帥烏珠卒。

金自尼瑪哈死達賚博勒郭等皆有自爲之意幹布獨立不能如之何時無烏珠國勢殆矣故其國論功以爲尼瑪哈後惟烏珠一人耳。

十一月竄胡銓于海南。

秦檜諷司諫羅汝楫論銓飾非橫議竄新州同郡王廷珪嘗以詩贈銓坐流辰州新州守張秉承檜旨論銓與客唱酬謗訕怨望詔送海南編管以秉提舉湖北常平。

至官一日卒。

時洪皓在英州閩人倪晉爲守聞秉以丐中遷官取使節欲效之即使人伺隙捕皓

家奴寘獄中釀成其罪未及發而訐卒事乃解

已十九年金皇統九年十二月以後廢主亮天德元年春三月癸未朔日食

夏五月金出完顏亮于行臺秋九月復召入平章政事

金主以完顏亮為太保領三省事四月壬申夜大風雨

雷電震壞金主寢殿鴟尾有火入寢內燒幃幔金主趨

別殿避之越五日有龍鬬于榆林河水上金史熙宗紀作利州榆林

河考利州金置元廢故城在今喀喇沁左翼東北大風壞民居官舍瓦木人畜

皆飄颺十數里死傷者數百人五月以天變肆赦命翰

林學士張鈞草詔參知政事蕭肄奚人摘其語以為誹謗

金主殺鈞且問誰使為之左丞相宗賢本名色哩希卜

舊作賽里希卜蘇曰廸古鼎實使之金主不悅故出亮

亮過中京。與留守蕭裕定約而去。九月。至良鄉。召還。莫測其故。大恐。及至。復拜平章。逆謀益甚。

冬。十月。金主殺其弟胙王常勝等。幹布子。金主弟。遂殺其

后費摩氏。

金宰臣議遷遼陽。渤海之民于燕南。近侍高壽星等當

遷。訴于費摩后。后白金主。金主怒。遂杖平章政事秉德。

本名伊遜。

右丞唐古

辯。本名翁郭羅。尙金主女。按翁郭羅。舊作幹骨刺。今改。後仿此。

而殺左司郎中薩哈。

舊作三合。今改。

壽星等。竟得不遷。秉德辯。

二人怨望。遂與大理卿烏達。

阿里布之子。按烏達舊胙烏帶。阿里布舊作阿魯補。

今改。後仿此。

謀廢立。烏達以告完顏亮。一日。亮與辯語。因問

曰。若舉大事。誰可立者。辯曰。胙王常勝乎。問其次。曰。鄧

王名奕宗傑子太祖孫敖拉舊作阿懶今亮曰敖拉屬疎安得

立辯曰公豈有意邪亮曰果不得已捨我其誰于是旦

夕相與密謀護衛將軍塔斯舊作特思今疑之以告費

摩后后白金主金主怒召辯謂曰爾與亮謀何事將如

我何杖之亮因此忌常勝敖拉惡塔斯會河南兵士孫

進作亂自稱皇弟按察大王而金主之弟止有常勝扎

拉舊作查刺今亮乘此構常勝扎拉金主使塔斯鞫之

無狀亮曰塔斯鞫不以實遂俱殺之又殺敖拉達賚亦

王子舊作達援今改後仿此金主積怒于后遂亦殺之而召胙王妃

薩茂舊作撒卯今入宮繼之又殺德妃烏庫哩舊作鳥

改後氏及瓜爾佳舊作夾谷今氏張氏等

十二月金完顏亮弑其主亶而自立。亮弑主篡立實金之亂臣故即位後變例

書名至金世宗既立金統有歸亮止書名而不稱主。

護衛十人長布薩瑚圖克。後改名思恭上京羅卜科達噶人按布薩瑚圖克舊作僕

散忽土羅卜科達噶舊作老海達葛今改正舊受幹布恩圖克坦。舊作徒額單今改

勒楚克。會寧噶瑪哈赫仲人徙懿州按額勒楚克舊作阿里出虎噶瑪哈赫仲舊作葛馬合窟申今改

與亮姻家亮皆使為內應大興國嘗以李老僧後賜名維忠

屬亮得為尙書省令史亮度興國被杖怨望又使老僧

結為應興國給事寢殿夜嘗取符鑰歸十二月丁巳乘

布薩瑚圖克額勒楚克內直作變夜二鼓興國以符鑰

啓門亮與妹婿圖克坦貞。特赫塔拉人按特赫塔拉舊作忒黑關刺今改平章

政事秉德左丞唐古辯大理卿烏達李老僧等以刀藏

衣下入宮。門者以辯國壻。亮又至親。不疑而納之。及殿門。衛士始覺有變。亮等抽刀刳之。莫敢動。遂入寢殿。金主常置佩刀于榻。是夜興。國取刀投榻下。金主求刀不得。額勒楚克先進刃。瑚圖克次之。金主頓仆。亮前手刃之。血濺滿其面與衣。金主既殂。秉德等未有所屬。瑚圖克曰。始者議立平章。今復何疑。秉德遂與羣臣奉亮卽位。詐以金主欲議立后。召大臣。因殺曹國王宗敏。左丞相宗賢。以秉德爲左丞相。唐古辯爲右丞相。烏達爲平章政事。誣費摩后爲悼平皇后。廢金主璽爲東昏王。大赦改元。

秦檜有可殺之罪。施于非當殺檜之人。其事固不必

庚午

二十年

金天德二年

春正月

殿司軍士施全刺秦檜不克。檜

深論獨是檜奸邪誤國海
內切齒所欲事勿甘心者
非止一全而高宗始終信
之而不忍去之後且畏之
而不敢去之豈非天奪其
魄乎

殺之。

檜趨朝。殿前司後軍使臣

宋史兵志殿前馬步諸軍有巡教使臣。

施全挾

刃于道。遮檜肩輿刺之。不中。捕送大理。檜親鞫之。全對

曰。舉天下皆欲殺敵人。汝獨不肯。故我欲殺汝也。詔磔

于市。自是檜每出。列五十兵。持長槌以自衛。

金主亮尊其嫡母圖克坦氏及母大氏皆為太后。

圖克坦氏賢。御下有恩。與大氏相得至歡。及亮弒。熙宗

圖克坦氏曰。帝雖失道。人臣豈可至此。亮銜之。至是追

尊幹布為帝。廟號德宗。二母俱尊為皇太后。圖克坦氏

居東宮。號永壽宮。大氏居西宮。號永寧宮。

後圖克坦氏生日酒酣大

氏起為壽。圖克坦氏方與諸公主宗婦語。大氏跪者久之。亮怒而出。明日召與后語者皆杖之。大氏以為不可。

亮曰。今日之事。豈能尚如前日邪。

三月。以余堯弼參知政事。巫伋簽書樞密院事。遣堯弼使金。

賀卽位也。及還。金主亮以上皇玉帶附遺于帝。其秘書

郎張仲軻

小名牛兒。

曰。此希世之寶也。輕賜之。可惜。亮曰。江

南之地。他日當爲我有。此特置之外府耳。仲軻由是知亮有南侵之意。遂每事先意逢之。

下李光子孟堅于大理獄。流之峽州。賁降徽猷閣直學士胡寅等官有差。

光在瓊。嘗作私史。其仲子孟堅爲所親陸升之

山陰人。光姪婿。

言之。升之訐其事。秦檜命兩浙轉運副使曹泳究實。泳

言孟堅省記父光所作小史語涉譏訕送大理寺獄成

詔光遇赦永不檢舉孟堅除名編管峽州于是胡寅程

瑀潘良貴宗頴澤之子張燾許忻賀允中吳元許八人皆

緣坐降責有差有從政郎楊煒常州通判沈長卿字文伯湖州人

舊與李光言和戎非便知雷州王耀求內徙李光俱

坐貶又有太常主簿吳元美作夏二子傳指蚊蠅也其

鄉人告之以爲譏毀大臣又言其家亭號潛光有心于

黨李堂名商隱無意于事秦檜大怒竄之容州唐置今廣西梧州府容縣是

夏四月置力田科

募民耕兩淮田從知廬州吳逵請也

金主亮大殺其宗室

初金主亮見太宗諸子盛彊忌之及卽位遂與蕭裕謀殺之又以前左丞相秉德首謀廢立而不卽勸進銜之將盡誅焉于是豫教尙書省令史蕭玉奚人上變遂召領

三省事阿魯

卽宗本太宗子按阿魯舊作阿魯今改

左丞相唐古辯判大

宗正寺呼爾吉

卽宗美阿魯弟舊作胡里甲今改後仿此

繫鞫至則殺之因

遣使如東京殺留守阿林

卽宗懿太宗子舊作阿鄰今改後仿此

北京殺

留守呼拉布

金史海陵紀作卞世系表云北京留守卞太宗孫今仍續綱目按呼拉布舊作斛

祿補今改後仿此

南京殺領行臺事秉德并誅其親屬復殺太

宗子孫七十餘人尼瑪哈子孫三十餘人諸宗室五十餘人太宗尼瑪哈後皆絕而烏達蕭裕蕭玉等皆受重

賞亮又令玉子尚主曰朕無以報卿使朕女為卿男婦代朕事卿也

冬十月金主亮殺其左副元帥薩里干等夷其族

金主亮復忌舍音諸子盛彊及宗室勲舊大臣欲盡除

之乃諷都元帥府令史約索

即白彥敬博勒郭部族人按約索舊作遙款博勒郭

舊作部羅火今改後仿此

誣飾上變遂殺薩里干父景祖孫穆里延

舊作謀里野今改後仿此

舍音子博濟

即宗義作李吉今改

并其族百數十

人以魏王幹爾達

太祖之弟按此與本卷前達賚之子另是一人

孫呼爾吉

舊作

活里甲今改後仿此

好修飾亦族之

秦檜有疾詔執政赴檜第議事

十二月甲子檜始朝命肩輿入宮門二孫塤堪扶掖升

巫伋奉使雖以請迎靖康
為名及聞何處頓放之詰
遂不能復對即此固足誅
高宗之心而伋實有以窺
高宗之意然則高宗之首
尾畏忌本因貪位苟安是
以事讐忘親有所弗顧亦
可鄙之甚矣

殿不拜。

辛未二十一年。金天德三年。春正月金置國子監。

二月以巫伋為金國祈請使。

伋至金首請迎靖康帝歸國。金主亮曰。不知歸後何處
頓放。伋唯唯而退。

三月金大營宮室于燕。續綱目此條目內敘營建事。本金
史海陵紀乃汴宮而誤為燕宮。今

改敘于二十八
年金營汴宮綱下。

金主亮稍習經史。慕中國衣冠人物。密有遷都意。遂下

詔求直言。而上書者多謂上京僻在一隅。不若徙燕以

應天地之中。與亮意合。乃遣左丞相張浩。字浩然。遼陽
渤海人。本姓

高。右丞相張通古。字樂之。易州易縣人。等調諸路夫匠築燕京宮

室城周九里三十步。其宮室一依汴京制度。

夏五月。金主亮納其叔母阿蘭。舊作阿懶。今改。後仿此。及宗婦于宮。

阿蘭。亮叔曹王阿里布妻也。亮殺阿里布而納之。封為

昭妃。又命圖克坦貞。語宰相曰。朕嗣續未廣。前所誅黨

人諸婦。多朕中表親。宜選納焉。宰相乃奏請行之。亮遂

納阿魯子索羅綽。舊作莎魯。今改。後仿此。瑚魯。即宗固。亦太宗子。舊作胡魯。今改。後

仿子華喇。舊作胡里刺。今改。後仿此。呼達。舊作胡失打。今改。後仿此。秉德弟嘉哩。

舊作乂里。今改。後仿此。等四人之妻于宮。尋封嘉哩妻高氏為修

儀。崇義節度使烏達妻。唐古定格。舊嘗與亮私。及為帝。定格使侍婢來朝。亮諷使殺烏達。許以為后。定格初

不忍。亮詠之曰。不殺汝夫。將族滅汝家。定格大恐。殺烏達。遂納之宮中。封貴妃。大愛幸。後與舊家奴姦。賜死。

又使秘書監完顏文出其妻。唐古石格。而以為麗妃。使

伊里布出其妻富察徹辰而納之。徹辰。亮姊之女也。

御批通鑑輯覽卷之八十一

按唐古定格舊作唐括定哥唐古石格舊作唐括石哥伊里布舊作乙刺補富察徹辰舊作蒲察义察今改後仿此。

秋八月太傅鎮南武安寧國節度使咸平王韓世忠卒。

世忠性慤直勇敢忠義事關廟社必流涕極言屢詆和

議觸秦檜解兵罷政卧家凡十年至是卒。世忠嗜義輕財賜賚悉分

將士將軍嚴重與士卒同甘苦器仗規畫精絕過人嘗中毒矢入骨以彊弩括取之十指僅全四不能動刀痕

箭瘢如刻畫然知人善獎用成閔解元劉寶等起行伍秉將旌皆其部曲也孝宗朝追封蘄王諡忠武子彥直

彥質彥古皆以才見用成閔字居仁邢州人。

壬申二十二年金天德四年春三月編管王庶子之奇之荀于嶺

南

初庶卒于貶所其子之奇之荀撫棺而哭曰秦檜秦檜

此讐必報。親舊皆掩其口曰。禍未已也。至是。爲人所告。

坐謗朝廷。編管之。寄于梅州。本南漢恭州。宋改。今廣東嘉應州是。之。荀于

容州。又以直龍圖閣葉三省監鄣作院王遠。嘗通書王

庶及趙鼎。力詆和議。安置三省于筠州。遠于高州。

夏四月。巫伋罷。以章復音伏簽書樞密院事。

伋與秦檜居同里。一日檜語伋曰。里中有何新事。伋曰。

有一術士。自鄉里來。頗能論命。檜變色曰。是人言公何

日拜相。伋惶恐而退。中丞章復聞之。卽劾伋陰懷異意。

遂罷。復拜簽樞。未幾亦罷。

五月。襄陽大水。

平地五尺。漢水冒城而入。

冬十二月金主亮召濟南尹烏嚕妻烏凌噶氏

即昭德皇后

未

至自殺。

噶王烏嚕時爲濟南尹。烏凌噶氏儀容整肅。亮召之。乃謂烏嚕曰。我不行。上必殺王。我當自勉。不以相累也。遂召王府臣僕曰。爲我禱東岳。使皇天后土。明鑒我心。行至良鄉。得間自殺。

癸酉

二十三年。

金貞元元年。

春三月。金遷都于燕。

金主亮自上京至燕京。初備法駕。下詔收元。親選良家子百三十人充後宮。以燕列國之名。不當爲京師號。遂改燕京爲中都大興府。汴京爲南京。削上京之名。止稱會寧府。又改中京大定府爲北京。而東京遼陽府。西京

加九錫者始見于王莽再見于曹操晉宋以下轉相效尤皆不旋踵而成篡逆之禍殆友止顧逢迎不復相存大義竟爾明目張膽上書陳請誠不知是何肺腸檜亦遂喜而遷其官不臣之跡已不可掩使非天速其死安保其不為莽操之續邪

大同府如舊

以王循友知建康府

循友知鎮江上書乞加秦檜九錫檜喜而遷之踰年檜

以循友罪其族黨安置藤州

唐置今廣西梧州府藤縣是

夏四月金太后大氏卒

金主亮遷都于燕親屬皆從獨留圖克坦太后于會寧

圖克坦后常憂懼每中使至必易衣以俟命大氏在燕

常思念圖克坦后及病篤以不得一見為恨將死謂亮

曰汝以我之故不令永壽官偕來我死必迎致之事之

當如事我

五月潼川

本唐梓州宋置府今府屬四川大水

平地丈五尺。死者甚衆。

甲戌二十四年。金貞元二年。春正月地震。

金石丞相蕭裕謀反。坐誅。

裕在相位。恃功專恣。金主亮倚信之。他相仰成而已。裕

以亮猜忌。忍殺。恐禍及。遂與蕭豐嘉努舊作蕭馮家奴。今改。後仿此。

等謀立故遼主豫王延禧之孫。事覺。伏誅。

夏五月癸丑朔。日食。

金始置交鈔庫。

從戶部尚書蔡松年請也。設印造鈔引。及交鈔庫。一貫

之大鈔。一伯。二伯。三伯。五伯。七伯。五等。謂之小鈔。與錢並用。以七年爲限。納舊易新。每貫取工墨錢十五文。諸

路並設使副判。各一員。都監二員。蓋以銅少。爲權宜之制云。

秋。十月。張俊卒。

俊握兵最早。屢立戰功。帝于諸將中眷注特厚。然忌劉錡。附秦檜。殺岳飛。爲世所鄙薄焉。

以敷文閣待制秦垾修撰實錄院。

初。魏師遜。湯思退。

字進之。處州人。

等知貢舉。以秦垾子垾爲榜

首。及廷試。檜以思退爲編排。師遜爲詳定。復擬垾第一。

帝讀垾策。覺所用皆檜熈語。遂進張孝祥。

字安國。歷陽烏江人。第

一。而垾第三。

時檜從子煒。煇。姻黨周夤。沈興傑。皆擢高第。天下切齒。

至是以垾修

撰實錄院。祖父孫三世同領史職。前此未有也。

八月。禁百官避輪對。

秦檜擅政以來。屏塞人語。蔽上耳目。一時獻言者。非誦

論對固欲聞所未聞。然聞之而不能行。雖聞何益。史謂高宗避免之禁。爲防檜

壅蔽不知檜之敢爲壅蔽
實高宗有以致之果自知
之則去檜亦在高宗耳若
其不能去則是太阿倒授
綱紐懈弛既不能除巨憝
以清政紀而徒爲是令正
所謂不揣本而齊末庸何
益乎

檜功德則許人語言以中傷善類欲有言者恐觸忌諱
僅論銷金鋪翠乞禁鹿胎冠子之類以塞責而已故皆
避免輪對至是上乃諭執政曰百官輪對正欲聞所未
聞近輪對者多謁告避免可令檢舉約束蓋防檜壅蔽
也

冬十一月以施鉅參知政事

自秦檜專國士大夫有名望者悉屏之遠方凡齟齬委
靡之徒一言契合卽登政府稍出一語輒斥去之不異
奴隸故自万俟卨罷至此十年參預政事者纔四人而
已

加秦熺少傅封嘉國公

金主亮納其諸從姊妹于宮。

壽寧縣主什貴。舊作什。今改。幹喇布之女也。靜樂縣主布拉。

舊作蒲刺。今改。希延。舊作習然。今改。烏珠之女也。錫古蘭。舊作

師古兒。今改。額爾袞之女也。混同縣君蘇呼舊作莎和琢。舊作里古真。

今改。後仿此。其妹伊都。舊作餘都。今改。阿嚕之女也。皆亮從姊。

妹。郕國夫人崇節。舊作重節。今改。博勒郭之女孫。亮之姪。

也。張定安妻。釁喇固。舊作奈刺忽。今改。太后大氏之兄嫂也。

富魯和琢。舊作蒲盧胡只。今改。麗妃石格之妹也。皆有夫。亮。

無所忌恥。皆召與之。私分屬諸妃位下。凡官人在外有

出入。後乃盡遣其夫往會寧。不聽出外。每幸婦人。必奏樂徹幃。常于卧內。遍設地衣。俾逐為戲。

十二月。西遼耶律伊呼死。其妹普蘇完。舊作普速。完。今改。權國事。

伊呀卒。子幼。普蘇完以遺令權國稱制。

改元崇福。自號承天皇帝。太后諡

伊呀曰仁宗。

乙亥

二十五年

金貞元三年。

夏五月丁未朔日食。

六月改岳州爲純州。岳陽軍爲華陽軍。

或言岳州乃岳飛駐軍之地。又與其姓同。乞改之。蓋以媚秦檜也。岳州人謂飛駐軍乃鄂州。于我州何與而改之。

金汴京火。

金主亮陰有南侵之意。乃謀遷汴。遣完顏長寧爲南京留守經畫之。旣而大火。宮室盡焚。亮大怒。杖殺長寧。

秋八月。下趙鼎子汾等于大理獄。

秦檜于一德格天閣書趙鼎李光胡銓三人姓名必欲殺之。及鼎死而憾不已。江西運判張常先箋注前帥張宗元與張浚詩言于朝。其詞連逮者數十家。將誣以不軌而盡去之。會汪召錫告宗室知泉州令衿太祖五世孫。檜家廟記口誦君子之澤。五世而斬。謫居汀州。檜乃諷殿中侍御史徐嘉論趙汾與令衿飲別厚贐。必有奸謀。詔送汾令衿大理鞫問。使汾自誣與張浚李光胡寅胡銓等五十三人謀大逆。獄成而檜病不能書矣。

冬十月。徙洪皓于袁州。未至卒。

皓居英州九年。始復朝奉郎。徙袁州。至南雄卒。皓久在北庭。爲

金人所敬。旣歸。金人至。必問皓爲何官。居何地。不幸爲檜所忌。不死于敵國。而死于讒慝。聞者悼之。

進封秦檜爲建康郡王。加其子熺爲少師。並致仕。是夕檜死。

檜病。帝幸其第問焉。無一語。惟流涕而已。熺奏請代居

相位者爲誰。帝曰。此事卿不當與。帝還宮。命沈虛中章

檜及熺制。並令致仕。熺夜遣塤與右司員外郎林一飛

宗正丞鄭栴。見其黨殿中侍御史徐嘉。右正言張扶。謀

請已爲相。翌日。檜熺致仕詔下。塤堪皆提舉江州太平

興國宮。是夜檜死。檜居相位十九年。倡和誤國。忘讐戮

盟。謹國是之搖動。猶思刳制君上于死後。性陰險深阻。

如崖岸。不可測。同列論事上前。未嘗力辨。但以一二語

傾擠之。俾帝自怒。一時忠臣良將。誅鋤畧盡。其頑鈍無

恥者。率爲檜用。爭以誣陷善類爲功。凡無罪可狀者。則

日立黨沽名。曰訕謗。曰指斥。甚則曰有無君心。凡論人

章疏。皆檜自操。以授言官。識之者曰。此老秦筆也。晚年

殘忍尤甚。屢興大獄。察事之卒。布滿京城。稍議之者。卽捕治。中以深文。專務羅織。執政惟取備員。甫入。輒出。惟深德王次翁。歷四年始出之。立久任之說。士淹滯失職。有十年不調者。然附之。則立與擢用。開門受賂。富敵于國。外國珍寶。死猶及門。陰結內侍及醫師。王繼先。何上微旨。動靜必具知之。郡國事惟申省。無至上前者。由是張扶請檜乘金根車。呂愿中獻秦城王氣詩。勢漸不可制。及檜死。帝謂楊存中曰。朕今日始免防檜逆謀矣。朱子曰。紹興之初。賢才並用。紀綱復張。諸將屢以提告。恢復之勢。蓋十八九。金人于是始露和議。以沮吾計。而宰相秦檜歸自金庭。獨以長樂梓宮藉口。攘却衆謀。熒惑主聽。使和議翕然以定。而不可破。士大夫狃于積衰之俗。見國家無事。而檜與其徒皆享成功。無後患。顧以忘仇忍辱。爲事理之當然。嗚呼。始則倡邪謀以誤國。中則挾敵勢以要君。使人倫不明。人心不正。而末流之弊。遺親後君。無所不至。此檜之罪。所以上通于天。萬死不足贖也。

金主亮迎其太后圖克坦氏至燕

金主亮命以大房山

在順天府房山縣西北。亦曰大防山。水經注。防水出大防山南。卽此。

雲臺寺爲山陵遣右丞相布薩瑚圖克等如會寧奉遷

太祖太宗梓宮及迎圖克坦后至流沙河

在昌平州南有南北二流

北沙河卽古濕餘水自居庸關南流至州南與南亮親

迎之命左右持杖二束跪太后前曰亮不孝久缺溫清

願答之后掖之曰今庶民有克家子尙且愛之不忍答

我有子如是寧忍答乎此杖者退既至亮事之外極恭

順后起則自扶之常從輿輦徒行后所御物或自執之

見者以爲至孝雖太后亦信其誠

黜秦檜姻黨十一月釋趙汾及李孟堅王之奇等自便

臺諫湯鵬舉等累疏言秦檜之姦請逐其姻黨詔安置

戶部侍郎曹泳于新州罷端明殿學士鄭仲熊

字行可衢州西

安等四人徙侍御史徐嘉正言張扶爲他官知建康府
王會等六人俱以詔附貪冒罷又竄呂愿中等于遠州
秦墳曹冠等以檜子孫親戚濫科革正之莫及張常先
等八人並以告訐濫叨官爵送遠郡編管尋復趙汾官
先是詔奪汾二官與李孟堅王之奇等皆令自便
十二月復張浚胡寅張九成等二十九人官徙李光胡銓
于近州。

光移郴州銓移衡州光尋卒。

丙子二十六年金正隆元年春正月追復趙鼎鄭剛中等官三月

罷宰相兼樞密使。

以邊事已定也。

講和之策斷自高宗贊成
于秦檜但其說為輿國所
訛議故檜在則諉之于檜
及檜已死惟恐金人以檜
死敗和為疑故不得不吐
露本衷降詔宣示以安逃
聽之心謂此詔為護檜者
固非即謂杜絕國中浮議
猶非其用意所在也

竄東平進士梁勛于遠州。

勛上書言金人必舉兵宜為之備。帝怒。編管勛于千里
外州軍而下詔曰。講和之策。斷自朕志。秦檜但能贊朕
而已。豈以存亡而渝定議邪。近者無知之輩。鼓倡浮言。
以惑眾聽。至有偽撰詔命。召用舊臣。抗章公車。妄議邊
事。朕甚駭之。自今有此。當重寘憲典。

夏五月。以沈該。方侯嵩為左右僕射。並同平章事。湯思退
知樞密院事。

初。秦檜病篤。召董德元。

字能仁。永豐人。二十五年九月。拜參知政事。

湯思退

至卧內。屬以後事。各贈黃金千兩。德元慮檜以為自外。
不敢辭。思退慮檜以為期其死。不敢受。帝聞思退不受。

以爲非檜黨。遂信任之。

靖康帝卒于金。

命史館重修日歷。

以秦熺修不實也。

秋七月。彗出井。詔求直言。

八月。以張綱

字彥正。潤州丹徒人。

參知政事。

綱初爲給事中。以秦檜用事。遂致仕。卧家者二十餘年。檜死。召爲吏部侍郎。權尙書。時以彗出求言。綱奏求言易。聽察難。宜命有司詳審章奏。無事苟簡。及參政事。帝力懲秦檜苛政。時時以寬恤民力諭輔臣。綱乃摘其切于利民八十事。標以大指。乞鏤版宣布中外。

檜以力持和議固位竊權其黨遂視此爲希榮之具踵其餘說輾轉相沿檜雖死而其害未息沈該方俟嵩湯思退十餘輩相繼居政府庸劣雖各不同而挾和議以要君實無二致高宗一念之差遂使勢成滋蔓其失豈盡在諸奸臣哉

冬十月復安置觀文殿大學士張浚于永州。

浚去國二十年天下士無賢不肖莫不傾心慕焉武夫健將言浚者必咨嗟嘆息至兒童婦女亦知有張都督金使至必問浚安在惟恐其復用而秦檜懼其正論害已令臺臣有所彈劾語必及浚謂爲國賊必欲殺之檜死乃復觀文殿大學士判洪州時喪母將歸葬會星變求直言浚慮金人數年間勢必求釁用兵而吾方溺于宴安謂敵可信莫爲之備沈該方俟嵩居相位尤不厭天下望自以大臣義同休戚不敢以居喪爲嫌乃上疏極言沈該方俟嵩湯思退謂敵未有釁而浚乃若禍在年歲間者皆笑其狂臺諫湯鵬舉凌哲等論浚名在罪

籍倡異議以動國是。若使歸蜀。恐惑遠方生患。復安置
永州。

丁丑二十七年。金正隆二年。春三月。万俟卨死。夏六月。以湯思退

為尚書右僕射。同平章事。

卨為相。主和固位。無異秦檜。既死。思退遂相。

戊寅二十八年。金正隆三年。春三月。辛酉朔。日食。

秋七月。金以李通參知政事。

金主亮將議南侵。以通為謀主。故有是命。初。亮召其倖臣秘書少監

張仲軻。左諫議大夫馬欽。校書郎田與信等。便殿侍坐。亮謂仲軻曰。漢之封疆。不過七八千里。今吾國幅員萬里。可謂大矣。仲軻曰。本朝疆土雖大。而天下有四主。若能一之。乃謂大耳。亮曰。彼且何罪而伐之。仲軻曰。臣聞宋人買馬修器械。招納山東叛亡。豈得謂無罪。亮喜曰。向者梁琬嘗為朕言。宋有劉貴妃者。資質美艷。今一舉

而兩得之。俗所謂因行掉臂也。江南聞我舉兵。必遠竄耳。欽與與信皆對曰。海島蠻越。臣等皆知道路。彼將安往。亮曰。然則天與我也。朕舉兵滅宋。遠不過二三年。然後討平高麗。夏國。一統之後。論功遷秩。分賞將士。彼必忘勞矣。時亮恃其累世彊盛。欲大肆征伐。以一天下。嘗曰。天下一家。可以為正統。及拜李通參知政事。通揣知亮意。遂與仲軻。欽。及近習羣小輩。盛言江南富庶。子女玉帛之多。逢其意。亮遂議興兵南侵。

九月。以王剛中

字時亨。饒州樂平人。

為四川制置使。

初。剛中為中書舍人。言禦敵為今日先務。敵彊則犯邊。弱則請盟。今勿計敵人之彊弱。必先自治。擇將帥。蒐士卒。實邊儲。備軍械。加我數年。國勢富彊。將良士勇。彼請盟。則為漢文帝。犯邊。則為唐太宗。帝韙其言。會西蜀謀帥。帝曰。無如王剛中矣。遂有是命。

冬。十月。金營汴宮。

金主亮遣其左丞相張浩參政敬嗣暉字唐臣。易州人。如汴京

營建宮室。運一木之費至二十萬。牽一車之力至五百人。宮殿之飾。遍傳黃金。而後間以五采。金屑

飛空如落雪。一殿之費以億萬計。成而復毀。務極華麗。國子司業黃中字通老。邵武人。使

還言金人治汴京。必欲徙居以迫我。不可不早為之備。

若彼果至汴。則壯士健馬。不數日可及境矣。湯思退大

怒。左遷中官。

巳卯二十九年。金正隆四年。春二月。金籍諸路兵。造戰具。

金主亮謀南侵。乃造戰船于通州。金置。今屬順天府。遣使籍諸

路明安部族。及契丹奚人。不限丁數。悉僉之。凡二十四

萬。又僉中都。南都。中原。渤海。丁壯。年二十以上。五十以

下者。皆籍之。凡二十七萬。雖親老丁多。求一子留侍。亦

不聽。又遣使分詣諸道總管府。督造兵器。命諸路舊貯軍器。並致于燕。時又建汴京。修燕城。民不能堪。箭羽一尺。至千錢。村落間。往往椎牛。以供筋革。至于烏鵲狗彘。無不被害者。

夏五月。貶禮部侍郎孫道夫。

字太冲。眉州丹稜人。知綿州。

道夫前使金。金主亮將欲南侵。陽設為詰責之語。

亮謂道夫

曰。歸白爾帝。事我上國。多有不誠。今畧舉二事。爾民有逃入我境者。邊吏皆卽發還。我民有叛入爾境者。有司索之。往往託詞不發。也。爾于沿邊盜買鞍馬。備戰陣二也。蓋將敗盟。故先設此二事為辭。

道夫還

具奏之。帝曰。朝廷待之甚厚。欲以何名為兵端。道夫曰。

彼身弑其君而奪之位。興兵豈問有名。湯思退。沈該。以

為不然。道夫每對帝。輒言武事。該疑其引用張浚。忌之。

故貶。

六月遣王綸

字德言建康人使金。

帝聞金主亮有南侵意疑之使王綸往覘綸還入對言鄰國恭順和好無他皆陛下威德所致湯思退等皆賀帝曰中外之論皆欲沿邊屯戍軍馬移易將帥為進取之計萬一輕舉兵連禍結何時而已。

秋八月召監潭州南嶽廟朱熹

字元晦一字仲晦徽州婺源人不至。

熹少有求道之志父松

字喬年度支員外郎史館校勘忤秦檜出知饒州

方疾

亟屬熹曰胡憲

字原仲安國從子

劉勉之

字致中建州崇安人

劉子翬

字彥

冲幹仲子

三人學有淵源吾所敬畏吾即死汝往事之熹奉

以告而稟學焉既博求之經傳復徧交當世有識之上

及舉進士爲泉州司安

晉縣今屬福建泉州府

主簿罷歸聞延平

注見李侗

字愿中南劍州劍浦人

學于羅從彥

字仲素南劍州人

得伊洛

之正遂徒步往從之其學大要窮理致知反躬踐實而

以居敬爲主築室于武夷山中

山在福建建寧府崇安縣南山高五百仞有三

十六峯其溪流分爲九曲昔有神人武夷君居此故名漢武帝嘗祀之

四方遊學之士從

之者如市上聞其賢故召之熹卒不至

憲生而靜懿不妄笑語紹興中

與勉之同入太學時禁伊洛之學憲與勉之求得程頤

書潛抄默誦夜以繼日聞洛陵譙定受易學于頤二人

往從受業久未有得定曰心爲物漬故不有見惟學乃

可明耳憲悟曰所謂學者非克己工夫耶曰是一意下

學不求人知一旦揖諸生歸崇安故山力田賣藥以奉

其親從遊日衆號籍溪先生仕終秘書省正字勉之從

譙定劉安世楊時受學卒業乃還崇安結草堂讀書其

中力耕自給澹然無求于世性與憲子輩日相往來講

論學者踵至勉之隨其才器爲說聖賢之道因以女妻

熹門人號曰白水先生子輩以父死國雖痛憤致疾棄

興化通判。隱居武夷山中者十七年。與憲勉之。交相得。
每見講學外無雜言。他所與遊。皆知名士。而期以任重。
致遠者。朱熹而已。熹從子翬遊。子翬以易之不遠復三
言。俾佩之終身。學者稱爲屏山先生。誰定。字天授。涪
陵人。劉安世。字器之。魏人。
興化宋軍。今爲府屬福建。

九月。以湯思退。陳康伯。

字長卿。信州弋陽人。

爲尙書左右僕射。並同

平章事。

時湯思退轉左僕射。康伯遂同相。帝謂康伯曰。卿靜重
明敏。一語不妄發。真宰相也。今與思退共政。如有可否。
勿憚商榷。康伯曰。大臣論國事。自當盡心。若依阿植黨。
臣所不敢。

皇太后韋氏崩。

諡曰顯仁。

帝事后甚謹。先意承志。惟恐不及。或一食稍減。輒不勝

御批通鑑輯覽 卷之二十一
憂懼。常戒宮人曰。太后年已高。惟優游無事。起居適意。卽壽考康寧。事有所關。慎勿令知。第來白朕。至是崩。年八十矣。

冬十一月。攢顯仁皇后。

攢于永裕陵之西。祔神主太廟。

庚辰

三十年

金正隆五年

春二月。以普安郡王瑗爲皇子。更名瑋。

進封建王。

初。帝知瑗之賢。欲立爲嗣。恐太后意所不欲。遲回久之。及后崩。帝問吏部尙書張燾以方今大計。對曰。儲嗣者。國之本也。天下大計。無踰于此。今兩邸名分宜早定。帝喜曰。朕懷此久矣。開春當議典禮。燾頓首謝。至是。利州。

朱倬能策劉豫必敗似有
料事之明及由遠州擢用
中丞高宗深為信任史稱
其論事多所裨益其實並
無著聞諒亦不過空言無
濟耳迨其後金兵南下人
情洶洶妄議退避倬且默
無一語則平日所謂能論
事者又安在乎

提點刑獄范如圭。擢至和嘉祐間名臣奏章凡三十六

篇。合為一書。囊封以獻。請斷以至公勿疑。帝感悟。即日

下詔。以普安郡王為皇子。加恩平郡王璩。開府儀同三

司判大宗正寺。稱皇姪。

秋七月。以葉義問

字審言。嚴州壽昌人。

知樞密院事。朱倬

字漢章。閩縣人。參

知政事。

倬初以張浚薦。自宜興簿入對。時方以劉豫為憂。倬策

其必敗。帝大喜。而秦檜惡之。出為越州教授。檜死。倬知

惠州。陞辭。因言前事。帝問卿何久淹如此。倬言為檜所

扼。帝愀然慰諭。目送之。且曰。人不知卿。惟朕獨知。遂累

擢至中丞。論事多所裨益。帝信任之。

八月丙午朔日食。

九月以李寶

河北人。

爲浙西副總管。

寶嘗羈金拔身自海道來歸。至是召對。詢以北事。歷歷如數。乃授官。令于平江督海舟捍禦。

冬十二月湯思退有罪免。

侍御史陳俊卿

字應求。興化人。

論思退挾巧詐之心。濟傾邪之

術。觀其所爲。多效秦檜。蓋思退致身。皆秦檜父子恩也。

宜寘之憲典。遂奉祠。

初行會子。

戶部侍郎錢端禮

字處和。臨安人。

被旨造會子。儲見錢于城內

外流轉。其合發官錢。並許兌會子。輸左藏庫。初行于兩

浙遂通行諸州。

辛巳三十一年。金正隆六年十月。世宗雍大定元年。春正月甲戌朔日食。帝不

受朝。

風雷大雨雪。

侍御史汪澈

字明遠。新安人。徙饒州。

言春秋魯隱公時大雨震電。

繼以雨雪。孔子以八月之間再有大變。謹而書之。今一夕之間二異交至。此陰盛之證。始爲金人。且言荆襄無統督。江海乏備禦。因陳修攘之策。

二月分經義詩賦爲兩科取士。

禮部侍郎金安節言。熙寧元豐以來。經義詩賦廢興離合。隨時更革。近合科以來。通經者苦賦體雕刻。習賦者

病經旨淵微心有弗精業難兼濟此後進往往得志而

老生宿儒多困也請復立兩科永爲成憲從之先是定制以本

經語孟義各一道爲首次詩賦各一首次子史論時務策各一道至是分經義詩賦爲兩科而解額未定議者謂宜以三爲率二取經義一取詩賦然不果行

三月以陳康伯朱倬爲尙書左右僕射並同平章事以吳

拱玠之子知襄陽府

先是康伯以金人必敗盟請早爲之備及聞金人決欲

敗盟乃以利州西路都統制吳拱知襄陽府部兵三千

戍之考宋史高宗紀及陳康伯張去爲傳召楊存中等議舉兵並在五月金使既來之後續綱目係于金使未來之前非是今改係詔議舉兵條下

夏五月金主亮遣使徵漢淮之地始聞靖康帝之喪

王全雖受海陵之命激怒
宋人以為內侵計然此在
金人猶可而全則本宋人
也直呼其故君之名悖逆
已甚而高宗竟聽其肆謔
隱忍不言庸懦委靡直是
全無人心尚何以觀顏人
上乎必不敢嘗之言早為

金主亮嘗密隱畫工于奉使中俾寫臨安湖山以歸為
屏而圖已之像策馬于吳山在杭州府城內西南隅舊名胥山上有伍子胥祠
絕頂題詩其上有立馬吳山第一峯之句至是造其簽
書樞密院事高景山右司員外郎王全來賀天中節亮
謂全曰汝見宋主即面數其焚南京宮室沿邊買馬招
致叛亡之罪當命大臣來此朕將親詰之且索漢淮之
地如不從則厲聲詆責之彼必不敢害汝蓋欲激怒以
為南侵之名也又謂景山曰同日以全所言奏聞全至
臨安一如金主之言以詆帝帝謂全曰聞公北方名家
何乃如是全復曰趙桓今已死矣帝始聞淵聖崩遽起
發哀而罷詔持斬衰三年上淵聖廟號曰欽宗時朝論俟使去

海陵所料惟懷苟安而固
知自屬無怪其終不能出
人掌握耳

詔議舉兵

發喪。左史黃中馳白宰相。此國家大事。臣子至痛一有失禮。謂天下後世何。左僕射陳康伯主中論。竟得如禮。

帝命宰執召同安郡王楊存中。二衛帥趙密。

字微叔。太原清河人。

至都堂議舉兵。又召侍從臺諫集議。陳康伯傳上旨曰。

今日更不論和與守。直問戰當如何。時帝意雅欲視師。

內侍省都知張去爲陰沮用兵。且陳退避策。中外妄傳。

幸閩蜀。人情洶洶。朱倬無一語。康伯奏曰。金敵敗盟。天。

人共憤。今日之事。有進無退。聖意堅決。則將士之意自。

倍。願分三衙禁旅助襄漢。待其先發應之。時已先命吳。

拱守襄陽。又命主管馬軍司成閔部兵三萬戍鄂州。殿中

侍御史陳俊卿以去爲竊
機議政。乞斬之以作士氣。

以吳璘為四川宣撫使。

詔以金使語諭諸路統制郡守監司。隨宜應變。以吳璘宣撫四川。仍令王剛中同處置軍事。

六月以劉錡為江淮浙西制置使。屯揚州。

時宿將無在者。乃以錡為江淮浙西制置使。節制諸路軍馬。

故遼人伊喇鄂斡

舊作移刺窩斡。今改。後仿此。

叛金。圍臨潢。

初。金主亮徵兵南侵。使牌印

金官名。掌御寶及金銀等牌。後改名御寶郎。

素

赫

舊作燥合。今改。後仿此。

如西北路。盡僉契丹壯丁。契丹人不願

行。求之素赫。素赫不從。于是西北路招討司譯史薩巴

與部眾殺招討使完顏烏色

舊作沃側。今改。後仿此。

及素赫等。取

招討使司貯甲三千。遂反。議立故遼主延禧子孫。衆推

都監楞華善

舊作老和。今改。

爲招討使。山後山前諸羣牧皆

應之。咸平府

金置。故城在今奉天府鐵嶺縣。

穆昆瓜里

舊作括里。今改。

舉兵據

咸平。繕完器甲。出府庫財物募兵以應薩巴。其勢益張。

金主亮使布薩瑚圖克等討之。皆無功。而薩巴自度大

軍必繼至。勢不可支。謀歸西遼。乃率衆沿龍駒河

金史地理

志。臨潢府長泰縣北。有龍駒河。長泰廢縣。在故臨潢城東。宋薛映記所謂長泰館是也。

西出舊居

山前者。皆不欲往。僞署六院節度使伊喇鄂斡殺薩巴。

執楞華善等。自爲都元帥。擁衆東還。至臨潢府東南新

羅寨。東京留守曹國公烏魯使伊喇扎巴

舊作移刺扎八。今改。

招

之。鄂斡已約降。而扎巴見鄂斡兵衆彊盛。車帳滿野。意

其可以有成。反說之曰。我之始來。以汝輩不能有爲。今觀兵勢彊盛如此。汝等欲如羣羊爲人所驅去乎。將欲待天時乎。若果有大志。吾亦不復還矣。于是鄂幹決意不降。遂攻臨潢圍之。衆至五萬。

秋七月。金主亮遷都于汴。

金大括馬于諸路。

先是。調馬于諸路。以戶口爲差。計五六十萬匹。仍令戶

自養以俟。至是。又大括羸馬。

官至七品。聽留一匹。等而上之。并舊籍民馬。其在東

者。給西軍。在西者。給東軍。交相往來。晝夜絡繹不絕。死者狼籍于道。其亡失多者。官吏懼罪。或自殺。所過蹂踐民田。調發牽馬夫役。詔河南州縣所貯糧米。以備大軍。不得他用。羸馬所至。當給芻粟。而無可給。有司以爲請。金主亮曰。北方比歲。民間儲畜尙多。今禾稼滿野。羸馬可就牧田中。借令再歲不獲。亦何傷乎。于是國

御批通鑑輯覽
卷之八十二
三

內騷然盜賊蠭起大者連城邑小者保山澤有以盜賊

事聞者亮輒杖而黜其官太醫使祈宰字彥輔江淮人上疏諫

南侵亮殺之由是羣臣不敢言

金主亮大殺宋遼宗室之在其國者

凡百三十餘人

遣樞密都承旨徐嘉如金至盱眙金人却之乃還

先是遣周麟之字茂振海陵人賀金遷都麟之憚金辭行坐免

遂以嘉代之嘉至盱眙金主亮使韓汝嘉就境上止之

曰朕始至此比聞北方小警欲復歸中都無庸來賀也

嘉乃還

八月宿遷人魏勝字彥威淮陽軍宿遷人起兵復海州詔以勝知州

事。

勝多智勇。應募爲弓箭手。居山陽。及金人籍諸路民爲兵。勝躍曰。此其時也。聚義士三百。北渡淮。取漣水軍。宣布朝廷德意。不殺一人。金知海州事高文富遣兵捕勝。勝迎擊走之。追至城下。文富閉門固守。勝令城外張旗幟。舉烟火爲疑兵。又使人向諸城門。諭以金人棄信背盟。無名與兵。及本朝寬大之意。城中人聞卽開門。獨文富與其子安仁率牙兵拒之。勝殺安仁及州兵千餘。擒文富。民皆安堵如故。勝遣人諭朐山。後周縣。明懷仁。魏縣。故城在今沐陽。東魏縣。今屬海州。東海。注見前。諸縣皆定之。乃蠲租稅。釋罪囚。發倉庫。犒戰士。分忠義士爲五軍。紀律

明肅部分如宿將。勝益募忠義以圖收復。遠近聞之響應。旬日得兵數千。勝將董成率所部千餘人直入沂州。殺金守將及軍士三千餘衆悉降。得器甲數萬。金遣蒙古鎮國以兵萬餘取海州。抵州北二十里新橋。勝帥兵迎之。設伏于隘。陣以待衆。殊死戰。伏發。金兵大敗。殺鎮國。馘千人。降三百人。軍聲益振。山東之民咸欲來附。勝傳檄招諭。結集以待王師之至。沂民壁蒼山者數十萬。金人圍之。久不下。砦首勝暴告急于勝。勝提兵往救之。陳于山下。金人多伏兵。勝兵遇伏。皆赴砦。金人襲之。勝單騎而殿。以大刀奮擊。金人望見勝。知其爲將也。以五百騎圍之。數重。勝馳突四擊。金陣開復闔。戰移時。身被數十槍。冒刃出圍。金兵追之。馬中矢踣。步而入砦。無敢當者。金人又急攻。絕其水。砦中食乾糲。殺牛馬飲血。金人攻益急。周山爲營。勝度其必復攻海州。因間出砦趨城中。金人果解蒼山圍。自新橋抵賊下。勝出戰皆捷。金分兵四面攻之。勝募士

登城以禦矢石如雨者七日。金兵多死傷遁去。蒼山在山東沂州府蘭山縣東。

以成閔爲京湖制置使。

金完顏亮弑其太后圖克坦氏。九月遂大舉入寇。亮本金朝亂賊

且是年金世宗即位故變例書入寇

圖克坦后聞亮欲南侵。數論止之。亮不悅。每謁見還宮。

必忿怒人不知其故。及至汴。后居寧德宮。使侍婢高福

娘問亮起居。亮幸之。因使伺后動靜。凡后所爲。事無大

小。福娘夫特默格。舊作特末哥。今改。後仿此。教福娘增飾其言以聞。

及契丹反。樞密使布薩瑚圖克往討。辭謁后。后謂曰。國

家世居上京。旣徙中都。今又至汴。復將興兵涉江淮伐

宋。疲弊中國。我嘗止之。不見聽也。契丹事復如此。奈何。

福娘以告亮。亮意謂后嘗養鄭王充。

本名錫圖美。宗幹之子。太祖之孫。按

錫圖美。舊作神土。今改後仿此。

為子。充四子皆成立。恐瑚圖克將兵

在外。或有異圖。乃召點檢大懷忠等使弑后。且指名后

左右數人。皆令殺之。后方擣蒲。懷忠等至。令后跪受詔。

后愕然。方下跪。尚衣局使華特默。

舊作虎特末。今改後仿此。從後擊

之仆而復起者再。高福娘等縊殺之。并殺其左右數人。

亮命焚后于宮中。棄骨于水。并殺鄭王充子塔納。

舊作檀奴。

今改。後仿此。

阿里布。

舊作阿里白。今改後仿此。

等二人。遂召瑚圖克等還。

皆殺之。封高福娘為鄖國夫人。以特默格為澤州刺史。

又以尚書令張浩。左丞相蕭玉諫伐宋。杖而釋之。自是

莫有敢諫者。遂分諸道兵為三十二軍。置左右大都督。

及三道都統制府以總之以瑱都錫幹之子後改名品按瑱都舊作奔賄錫

幹舊作斜幹今改後仿此為左大都督李通副之赫舍哩良弼輝發人

舊作回怕川今改後仿此為右大都督富埒輝副之蘇保衡子宗天雲州人

成為浙東道水軍都統制完顏鄭嘉努舊作鄭家今改後仿此副

之由海道趨臨安劉萼大興宛平人為漢南道行營兵馬都

統制進自蔡以職荆襄圖克坦喀齊喀上京蘇海人按喀齊喀舊作

合喜蘇海舊作速蘇海今改為西蜀道行營兵馬都統制由鳳翔取

大散關駐軍以俟後命左監軍圖克坦貞別將兵二萬

入淮陰九月亮召諸將授方畧賜宴尚書省命皇后圖

克坦氏與太子光英居守張浩蕭玉敬嗣暉留治省事

亮戎服乘馬具裝起行如嬪皆從眾六十萬號百萬璫

帳相望。鉦鼓之聲不絕。李通造浮梁于淮水之上。將自清河口入淮東。遠近皆震。

金人攻黃牛堡。

在漢中府鳳翔縣東北。

吳璘等敗之。遂復秦隴。洮三

州。

金圖克坦喀齊喀將五千騎。扼大散關。遊騎攻黃牛堡。

守將李彥堅告急。人情洶洶。制置使王剛中跨一馬。馳

二百里。至吳璘營。起璘于帳中。責之曰。大將與國義同。

休戚。臨敵安得高枕而臥。璘大驚。卽馳至殺金平。駐軍

青野原。

在漢中府略陽縣北。

益調內郡兵。分道而進。以援黃牛。剛

中又以蠟書抵張正彥濟師。西師大集。李彥堅以神臂

弓射金師。卻之。璘遣別將彭青。至寶雞渭河。夜刦橋頭。

寨。在鳳翔府寶雞縣南。渭河自隴州流入。有橋跨其上。故名。破之。又遣劉海復秦州。

彭青復隴州。曹休復洮州。金師既退。剛中倍道馳還。謂其屬李燾曰。將帥之功。吾何

有焉。燾嘆曰。身督戰而功成。不居過人遠矣。李燾。字仁甫。眉州丹稜人。

劉錡遣兵復泗州。

高平人王友直。

字聖益。博州高平人。考宋史地理志。博州有高唐。博平。無高平。高平乃澤州縣也。列

傳疑有誤。起兵復大名。遣使入朝。

友直父佐。以材武稱。友直幼從父諳兵法。志復中原。聞

金亮渝盟。乃結豪傑。謂之曰。權所以濟事。權歸于正。何

害于理。即矯制。自稱河北等路安撫制置使。以其徒王

任爲副使。徧諭州縣勤王。未幾。得衆數萬。制爲十三軍。

置統制等官以統之。進攻大名。一鼓而克。撫定衆庶。諭

以紹興年號遣人入朝奏事已而自壽春來歸詔以爲忠義都統制。

冬十月金人圍海州魏勝李寶合擊大敗之。

亮渡淮慮勝睨其後分軍數萬圍海州會李寶帥舟師

由海道將拒敵于膠西。

隋縣元于此置膠州明省縣入州今州屬山東萊州府。

勝

遣人邀之寶遡風至東海慷慨厲士赴援與勝同擊金

兵于新橋。

在海州北。

敗之勝還守北關。

方輿紀要在海州北宋時築此據險戍守。

金兵逼關勝登關門張樂飲酒犒軍士令固守勿出戰。

踰時乃少遣士出憑險監擊之金人知不可攻率軍轉

而渡河襲關後欲過砂堰。

在海州東北。

圍城爲營勝先已據

堰尋以單騎逐金騎于東門外大聲叱之皆駭散翌早

乘昏霧。四面薄城急攻。勝竭力捍禦。金兵不能前。乃拔砦走。

金人渡淮。劉錡進軍楚州以拒之。

劉錡兵至揚州。建大將旗鼓。軍容甚肅。以兵駐清河口。扼金師。金人以瓊裹船載糧而來。錡使善沒者鑿沉其舟。金人自渦口渡淮。錡次于淮陰。列兵運河岸以扼之。

金人立曹國公烏魯爲帝于遼陽。更名雍。是爲金世宗。

亮自發汴京。將士在道多亡歸者。和碩。舊作曷蘇。今改正。館。方興。

紀要。遼置以處熟女真。金改路。置節度使。後廢。故城在蓋州東南。考蓋州。今奉天府蓋平縣是。明安完。

顏福壽高忠建盧萬家博索。舊作婆速。又作路。故城在婆娑。今並改。

府鳳凰。總管默音。洛索子。舊作謀衍。今改正。東京穆昆金柱。舊作金住。今改。

正等始受甲于大名。即舉部亡歸。從者至二萬餘。皆公

言于路曰。我輩今往東京。立新天子矣。時東京留守烏

嚕性仁孝。沉靜明遠。衆心歸之。亮嘗使穆哩庫舊作謀

此與金初別名宗雄之穆哩庫。另是一人。圖淮北諸王。烏嚕聞而憂懼。會故

吏埒爾錦舊作六斤。今改正。自汴還。具言金主殺母等事。且曰。

將遣使害宗室兄弟矣。烏嚕益懼。謀于其舅興元少尹

李石。字子堅。遼陽人。石勸烏嚕先殺副留守高存福。烏嚕遂執

存福將殺之。適福壽等以軍入東京。乃共殺存福等。烏

嚕遂御宣政殿。即位大赦。改元大定。下詔暴揚亮罪惡

數十事。追尊鄂爾多爲帝。廟曰睿宗。

劉錡將王權軍潰于昭關。錡引還揚州。金完顏亮入廬州。

高宗曰畏金幾如嬰兒之善怖何以一旦能決策親征蓋爾時勁旅南來危在旦夕航海計既不行勢已有進無退而前此平江之役諸將頗以捷聞因復冀僥倖于萬一非真迫于建王康伯之言也然虛僞之氣不久即消金師返旆而三招討旋罷曾謂高宗

錡遣都統王權措置淮西。權不從錡節制。聞金兵大至。

即棄廬州。退屯昭關。不戰而潰。錡聞之。遂自淮陰退還。

揚州。亮入廬州。權自昭關退保和州。已而金人陷真州。統制邵宏淵逆戰。

敗走。王權尋退屯采石。金亮遂入和州。

吳拱成閔遣兵復唐鄧諸州。

帝親征。詔葉義問督視江淮軍馬。虞允文字彬甫。隆州仁壽人。參謀

軍事。

帝聞王權敗。詔楊存中至內殿。議禦敵之策。因命存中

就陳康伯議。欲航海避敵。康伯延之入。解衣置酒。帝聞

之。已自寬。明日。康伯入奏曰。聞有勸陛下幸越趨閩者。

審爾。大事去矣。盍靜以待之。一日。帝忽降手詔曰。如敵

有發憤自強之一日哉

御批歷代通鑑輯覽

卷之六十一

未退。散百官。康伯焚詔而後奏曰。百官散。主勢孤矣。帝意既堅。康伯乃請下詔親征。帝從之。以葉義問督視江淮軍馬。中書舍人虞允文參贊軍事。尋以楊存中爲御營宿衛使。

詔吳璘出兵漢中。璘遂復商虢州。

李寶大破金人于陳家島。

在膠州海中。

殺其將完顏鄭嘉努。

寶既解海州之圍。遂與其子公佐引舟師至膠西石臼

島。

在膠州南海中。海防考。濱海要衝。有膠州石臼等所。及海中之陳家島諸處。

敵舟已出海

口。泊陳家島。相距僅一山。時北風盛。寶禱于石臼神。風

自桅樓中來。如鐘鐸聲。衆咸奮。引舟握刃待戰。金操舟者皆中原遺民。遙見寶船。給敵兵入舟中。使不知王師

猝至。風駛舟疾。過山薄敵。鼓聲震蕩。海波騰躍。敵大驚。掣碇舉帆。帆皆油纈。彌亘數里。風浪捲聚。一隅窘束。無復行次。寶命火箭射之。烟焰隨發。延燒數百艘。火所不及者。猶欲前拒。寶叱壯士躍登舟。以短兵擊殺之。降其衆三千餘人。斬其將完顏鄭嘉勞等六人。擒倪詢等上于朝。獲其統軍符印與文書。器甲糧斛以萬計。餘物衆不能舉者。悉焚之。火四晝夜不滅。

金人破揚州。劉錡遣兵拒于皂角林。

在揚州府江都縣南。

大敗之。

錡以舟渡真揚之民于江南。留屯瓜洲。金人來爭。錡命步將吳超。員琦。王佐等拒之于皂角林。錡陷重圍。下馬死戰。佐以步卒設伏林中。金人旣入。張弩俄發。金人以

運河岸狹。非騎兵之利。稍稍引去。追擊大破之。斬其統
軍高景山。

十一月。召張浚判建康府。

殿中侍御史陳俊卿上疏極言浚忠_盡帝悟。乃詔復官。
判建康。浚至岳陽。買舟冒風雪而行。時金兵充斥。浚遇
東來者云。敵兵方盛。焚采石。烟焰張天。慎毋輕進。浚曰。
吾赴君父之急。知直前求乘輿所在而已。遂乘小舟徑
行。時長江無一舟敢行北岸者。

編管王權于瓊州。以李顯忠代將其軍。

金人侵瓜洲。葉義問使中軍統制劉汜_{錡之}禦之。敗績。義

問走建康。

時劉錡病甚。求解兵柄。留其姪中軍統制汜以千五百人塞瓜洲。李橫以八千固守。詔錡還鎮江。專防江。于是盡失兩淮之地。金人攻瓜洲。汜以克敵弓射卻之。葉義問至鎮江。見錡病劇。以李橫權錡軍。遂督兵渡江。衆以爲不可。義問彊之。汜請出戰。錡不從。汜拜家廟而行。金人以重兵逼瓜洲。汜先退。李橫以孤軍不能當。亦卻失其都統制印。橫左軍統制魏俊。右軍統制王方死之。橫汜僅以身免。錡聞汜敗。因憤悶。疾益甚。義問聞之。乃遵陸趨建康。市人皆媒罵之。

虞允文大敗金軍于采石。完顏亮趨揚州。

亮築臺江上。自披金甲登臺。殺黑馬以祭天。以一羊一

豕投于江中。

召墳都等謂之曰。舟楫已具。可以濟江矣。富埒曰。臣觀宋舟甚大。我舟小而行遲。

恐不可濟。亮怒曰。爾昔從梁王。

追趙構入海島。豈皆大舟邪。

誓明日渡江。晨炊玉麟

堂。

卽毓麟堂。在和州橫江之濱。

先濟者與黃金一兩。亮置黃旗紅旗

于岸上。以號令進止。時葉義問命虞允文往蕪湖迎李

顯忠。交王權軍。且犒師。允文至采石。權已去。顯忠未來。

敵騎充斥。軍士三五星散。解鞍束甲坐道傍。皆權敗兵

也。允文謂坐待顯忠。則誤國事。遂立召諸將。勉以忠義

曰。金帛誥命皆在此。以待有功。衆曰。今既有主。請死戰。

或謂允文曰。公受命犒師。不受命督戰。他人壞之。公受

其咎邪。允文叱之曰。危及社稷。吾將安避。諸將列

大陣不動。分戈船爲五。其二並東西岸。其一駐中流。藏

精兵待戰。其二藏小港。備不測。部分已畢。敵已大呼。亮操小紅旗。麾數百艘。絕江而來。瞬息之間。抵南岸者七十艘。直薄官軍。軍小卻。允文入陣中。撫統制時俊之背。曰。汝膽畧聞四方。立陣後。則兒女孺爾。俊卽揮雙刀出。士殊死戰。中流允文軍以海鰭船衝敵舟。皆平沈。敵半死半戰。日暮未退。會有潰卒。自光州至。允文授以旗鼓。從山後轉出。敵疑援兵至。始遁。允文又命勁弩尾擊追射。大敗之。金兵還和州。凡不死于江者。亮悉敲殺之。會報曹國公巳卽位于東京。改元大定。亮撫髀歎曰。朕本欲平江南。改元大定。此非天乎。因出其素所書。取一戎衣。天下大定。改元事。以示羣臣。遂召諸將帥謀北還。且

後漢書卷之八十二

三

分兵渡江。李通曰。陛下親征。深入異境。無功而還。若衆散于前。敵乘于後。非萬全計。若留兵渡江。車駕北還。諸將亦將解體。今燕北諸軍。近遼陽者。恐有異志。宜先發兵渡江。斂舟焚之。絕其歸望。然後陛下北還。南北皆指日而定矣。亮然之。允文知亮敗。明當復來。夜半部分諸將。分海舟縋上流。別遣盛新。以舟師截金人于揚林河口。在和州東。今曰楊林渡。明旦。敵果至。因夾擊之。復大敗。焚其舟三百。敵遣僞詔來諭王權。似有宿約者。允文曰。此反間也。乃復書言權因退師。已寘憲典。新將李顯忠也。願快戰以決雌雄。亮得書大怒。遂焚其龍鳳舟。斬梁漢臣。首勸亮渡江者。及造舟者二人。率軍趨揚州。使符寶郎耶律默達

舊作沒咎。今改。後仿此。護神吳軍拒淮渡。凡自軍中還至淮上。無都督府文字。皆殺之。

劉錡罷。以成閔李顯忠吳拱為兩淮京湖三路招討使。

顯忠至采石。虞允文語之曰。敵入揚州。必與瓜洲兵合。

京口無備。我當往。公能分兵相助乎。顯忠分萬六千與

之。允文遂還京口。時敵屯重兵滁河。今日後河。源出黃山。逕和州西北。與

滁州分界。東南至六合縣入江。造三牐。儲水深數尺。塞瓜洲口。楊存中

成閔邵宏淵諸軍皆集京口。凡二十餘萬。允文以戰艦

數少。不足用。聚材改治之。命張深守滁河口。扼大江之

衝。以苗定駐下蜀。鎮名。在江寧府句容縣北。為援。且謁劉錡問疾。錡

執允文手曰。疾何必問。朝廷養兵三十年。一技不施。而

大功乃出一儒生。我輩愧死矣。以疾篤召還。提舉萬壽觀。詔以閔等爲招討使。閔淮東。顯忠淮西。拱湖北。京西。金完顏亮爲其下所殺。

亮至瓜洲。居于龜山寺。虞允文與楊存中臨江按試。命

戰士踏車船中流上下。三周金山。回轉如飛。敵持滿以

待。相顧駭愕。亮笑曰。紙船耳。有一將跪奏南軍有備。不

可輕。願駐揚州。徐圖進取。亮怒。杖之五十。召諸將。約以

三日濟江。否則盡殺之。驍騎鳴山舊作高僧。今改。欲誘其黨以

亡。事覺。亮命衆刃剄之。乃下令。軍士亡者殺其。富魯章

京。穆昆之副。舊作蒲里衍。今改。富魯章京亡者殺其。穆昆亡者。

殺其明安。明安亡者殺其總管。由是軍士益危懼。亮又

令軍中運鴉鵲船于瓜洲。期以明日渡江。敢後者死。衆

欲亡歸。乃決計于浙西都統制耶律元宜。本名阿里。一

慎思。賜姓完顏。按阿里舊作阿列。及明安唐古烏延。舊

伊特年。舊作移特輦。今改。後仿此。唐括烏野。今且日前阻淮渡。皆成擒矣。比聞遼陽新天

子卽位。不若共行大事。然後舉軍北還。元宜然之。乃期

詰旦衛軍番代卽行事。黎明。元宜等帥諸將以衆薄亮

營。亮聞亂。意宋兵奄至。攬衣遽起。箭入帳中。亮取視之。

愕然曰。乃我兵也。近侍大慶善。舊作大慶。此今喚曰。事急矣。當

出避之。亮曰。走將安往。方取弓。已中箭仆地。延安少尹

納哈塔幹喇布。舊作納合幹魯。補今改。後仿此。先刃之。手足猶動。遂縊

殺之。軍士攘取行營服用皆盡。乃取驍騎指揮使大磐

衣巾裹其尸焚之。收其妃嬪及李通、郭安國、圖克坦永年、梁琬、大慶善等皆殺之。元宜自爲左領軍、副大都督。使人殺太子光英于汴。退軍三十里。遣人持檄詣鎮江軍議和。未幾金軍在荆襄兩淮者皆拔寨北還。史臣曰：完顏亮智足以拒諫，言足以飾非，欲爲君則弑其君，欲圖鄰則弑其母，欲奪人之妻則使之殺其夫，三綱絕矣。何暇他論？至于屠滅宗族，剪刈忠良，婦姑姊妹盡入嬪御，卒之戾氣感召，身由惡終，使天下後世稱無道主，以亮爲首，可不戒哉！可不戒哉！

十二月，成閔李顯忠收復兩淮州郡。

帝如建康。

張浚至建康，卽具行宮儀物，請車駕臨幸。帝從之。帝至建康，張浚迎拜道左。衛士見浚，無不以手加額。浚起復。

用風采隱然。軍民皆倚爲重。

金主入燕。

壬午三十二年。金大定二年。春正月戊辰朔日食。

山東人耿京起兵復東平。遣其將辛棄疾字幼安。齊州人。來朝。

完顏亮死。中原豪傑並起。山東人耿京據東平。自稱天平節度使。以齊州人辛棄疾掌書記。棄疾勸京來歸。京遣棄疾奉表詣行在。帝大喜。厚賚之。以京知東平府。

金遣使來聘。

金主下令散南征之衆。以高忠建爲報諭宋國使。且告卽位。

二月。以虞允文爲川陝宣諭使。

允文還朝。帝慰藉嘉嘆。謂陳俊卿曰。允文。朕之裴度。及是陞辭。言金亮既誅。新主初立。彼國方亂。天相我恢復也。和則海內氣沮。戰則海內氣伸。帝以爲然。允文至蜀。遂與吳璘經畧中原。帝還臨安。

時將祔欽宗于太廟。帝還臨安。謂張浚曰。卿在此。朕無

北顧憂矣。御史吳芾

字明可。台州仙居人。

言。建康可以控帶襄漢。

經畧淮甸。大駕宜留。以繫中原之望。若還臨安。則西北之勢。不能相接。不從。

金以張浩爲尚書令。

金主嘗謂宰相曰。進賢退不肖。宰相之職也。有才能高

于己者。或懼其分權。往往不肯引置同列。朕甚不取。卿

等毋以此爲心。時有近侍進言欲罷科舉者。金主問浩曰。自古帝王有不用文學者乎。浩曰。有

之。曰。誰歟。浩曰。秦始皇。金主顧近侍曰。豈可使我爲秦始皇。事遂寢。

閏月。辭欽宗主于太廟。

吳璘復大散關。分兵和尚原。金人走寶雞。

璘遣兵復河源州。及積石。鎮戎軍。遂復大散關。

太尉威武節度使劉錡卒。諡武穆。

錡以劉汜敗。發怒。嘔血數升。至是卒。贈開府儀同三司。

錡慷慨深毅。有儒將風。亮之南下也。令有敢言錡姓名者斬。故舉南朝諸將。問其下孰敢當者。皆隨名姓以對。其答如響。至錡。莫有應者。亮曰。吾自當之。惜錡以疾不能成功。齎恨而沒。

耿京將張安國殺京以降金。辛棄疾還。執安國送臨安。斬

之

張安國殺京降金。辛棄疾還至海州。與衆謀曰。我緣主帥來歸朝。不期事變。何以復命。乃約李寶統制王世隆等。徑趨金營。卽帳中縛安國。獻于臨安。斬之。詔授棄疾江陰僉判。棄疾獻議恢復。持論勁直。不爲迎合。衆壯之。

吳璘復德順軍。

宋置。治隴干。故城在今平涼府靜寧州。

及環州。

注見前。

璘遣姚仲取鞏。王彥屯商虢。陝華。惠逢取熙河。或久攻不下。或旣得復失。竟無成功。仲舍鞏攻德順。踰四旬不克。璘以李師顏代之。遣子挺節制軍馬。挺與金人戰于瓦亭。大敗之。擒其千戶耶律糾堅。舊作九斤。今改。後仿此。等百三十七人。金人懲其敗。悉兵趨德順。璘自將往督師。先壁

海陵之兵非緣南朝驕慢
所致高宗于是方明言卑
辭屈已之無益而以正名

于險且治夾河戰地。璘至城下守陴者聞呼相公來觀

望咨嗟。矢不忍發。璘按行諸屯。斬不用命者。先以數百

騎進。金銳卒空壁躍出。突璘軍。璘軍得先治地。無不一

當百。至暮。璘忽傳呼某將戰不力。人益奮搏。金人大敗。

遁入壁。黎明。師再出。金人堅壁不動。會大風雪。遂拔營

去。凡八日而克璘。入城市。不改肆。父老擁馬迎之。璘又

遣嚴忠取環州。遂還河池。時姚仲等又復蘭會熙鞏等

州。及永安軍。宋陝西諸路無永安軍當作永興

遣起居舍人洪邁。字景廬。皓季子。使金。

金高忠建至臨安。議遣使報聘。且賀卽位。工部侍郎張

闡。字大猷。永嘉人。請嚴遣使之命。正敵國之禮。彼或不從。則有

畫境爲辭豈闕于前而明于後哉蓋因傳位之意已決舉艱鉅以貽之孝宗故毅然言之而無所顧忌耳其曰向日講和之有所爲而爲特藉以解其前此怙怯之耻所謂欲蓋彌彰耳

戰耳如是則中國之威可以復振帝然之遂遣洪邁充賀登極使帝謂執政曰向日講和本爲梓宮太后雖屈已卑辭有所不憚今兩國之盟已絕宜正名畫境朝儀歲幣當先定之邁乃奏接伴禮儀十有四事旣而忠建責臣禮及取新復州郡陳康伯以義折之乃止邁行書用敵國禮帝手札賜邁曰祖宗陵寢隔濶三十年不得以時灑掃祭祀心實痛之若彼能以河南地見歸必欲居尊如故正復屈已亦何所惜邁奏言山東之兵未解則兩國之好不成至燕金閣門見國書不如式抑令于表中改陪臣二字朝見之儀必欲用舊禮邁執不可金鎖使館三口水漿不通及見金人語不遜欲留邁張浩

不可。乃遣還。

夏四月。金人復攻海州。鎮江都統張子蓋

字德高。俊從子。及魏勝

大敗之。

金人復遣烏珍

舊作五斤。今改。後仿此。

太師發諸路兵三十餘萬

攻海州。先遣一軍。自州西南斷勝軍饗道。勝擇勇悍士

三千餘騎。拒于石門堰。

亦曰石闕堰。在海州西南。即石湫河上游也。

金軍不

能進。逮夜始還。留千人備險隘。金兵十萬來奪。勝率衆

鏖戰。殺數千人。餘皆遁去。勝還入城。無何。金兵環城圍

數重。勝與郭蔚分兵備禦。或獨出擾之。使不得休息。又

間夜發兵。刦其營。或焚其攻具。既而金人併力急攻。勝

告急于李寶。寶以聞。命張子蓋往援。進次石湫堰。

在石門堰。

南。今金人陳萬騎于河東。子蓋率精銳數千騎擊之。統

制張汜畧陣。中流矢死。子蓋曰。事急矣。奮臂大呼。馳入陣。勝等繼之。殊死戰。金人大敗。擁溺石湫。河死者半。圍遂解。

五月。金追廢完顏亮為海陵煬王。

蕭玉敬嗣暉。許霖等輔亮為虐。皆放歸田里。特默格及

其妻高氏伏誅。明年。追討亮弒熙宗。廢為庶人。

立建王瑋為皇太子。更名脊。音慎。

初。完顏亮南侵。兩淮失守。朝臣多勸帝退避。建王瑋不

勝其憤。及帝下詔親征。瑋請帥師為前驅。直講史浩。字直翁。明州

鄞縣人。聞之。人言于瑋曰。自孝子不宜將兵。因為草奏。請

高宗于興金之役親履戎
心膽墮地還都以後痛
定思痛復恐外患之乘亟
內禪之典名為倦勤實
則近禍蓋庸懦之人無事

不用這步遜位。舉猶是主和故智耳。

扈蹕以供子職。帝亦欲瑋徧識諸將。遂命從幸金陵。及還臨安。帝欲遜位。陳康伯密贊大議。乞先正名。俾天下咸知聖意。遂草立太子詔以進。帝從之。瑋既立。更名昀。六月。罷三招討使。

以李顯忠主管侍衛軍馬司。成閔主管殿前衛司。吳拱

主管侍衛步軍司。

顯忠陰結金都統蕭琦為內應。請出師。欲自宿毫趨汴。由汴京以通關陝。

關陝既通。則鄜延一路孰知顯忠威名。必皆響應。且欲起其舊部數萬。以取河東。會詔罷兵。乃止。

追封子偁為秀王。

詔集議子偁封爵。戶部侍郎汪應辰

字聖錫。常州玉山人。定其稱

曰。太子本生之親。議人內降曰。皇太子所生父可封秀

王。謚安僖。母張氏為王夫人。

御批歷代通鑑輯覽

卷之二十一

四

帝傳位於太子。自稱太上皇帝。皇后稱太上皇后。太子卽位。大赦。是爲孝宗。

帝降手札。皇太子可卽皇帝位。朕稱太上皇帝。后稱太上皇后。退居德壽宮。帝服袍履。步出祥曦門。冒雨掖輦以行。及宮門弗止。上皇麾謝再三。且令左右扶掖以還。顧謂羣臣曰。付託得人。吾無憾矣。

帝朝太上皇於德壽宮。

帝五日一朝。太上皇不許。自是月四朝。

以龍大淵爲樞密副都承旨。曾覲

字純甫。其先汴人。

幹辦皇城司。

二人。帝潛邸內知客也。尋以大淵知閣門事。覲同知閣門事。

詔中外臣庶陳時政闕失。

監南嶽廟朱熹封事。首言帝王之學。必先格物致知。以極夫事物之變。使義理所存。纖悉必照。則自然意誠心正。而可以應天下之務。次言修攘之計。不時定者。講和之說。疑之也。金于我有不共戴天之讐。則不可和也。明矣。願斷以義理之公。參以利害之實。閉關絕約。任賢使能。更相激厲。以圖事功。數年之間。國富兵彊。視吾力之彊弱。觀彼釁之淺深。徐起而圖之。中原故地。不爲吾有。而將焉往。次言四海利病。係斯民之休戚。斯民之休戚。係守令之賢否。監司者。守令之綱。朝廷者。監司之本。欲斯民之得所。本原之地。亦在朝廷而已。

孝宗初政卽復用張浚可謂銳于任賢設能專心委
畀或贊成恢復亦未可定
願以治舊藩邸舊臣使預
機密之議與浚意見
多力掣肘寢至
其誤國不亞于
楫人主用人可不慎哉

秋七月召張浚入朝以爲江淮宣撫使封魏國公

帝手書召浚入見浚至帝改容曰久聞公名今朝廷所
恃惟公因賜之坐浚從容言人主之學以心爲本一心
合天何事不濟所謂天者天下之公理而已必兢業自
持使清明在躬則賞罰舉錯無有不當人心自歸敵讐
自服帝悚然曰當不忘公言加浚少傅魏國公宣撫江
淮浚見帝英武力陳和議之非勸帝堅意以圖恢復欲
遣舟師自海道擣山東命諸將出師犄角以向中原翰
林學士史浩以潛邸舊臣時預樞密議欲城采石瓜洲
浚言不守兩淮而守江是示敵以削弱怠戰守之氣不
若先城泗州浩不悅遂與有隙凡浚所規畫浩必沮之

竟無成功。

追復岳飛官。以禮改葬。

官其孫六人。

初飛死。獄卒隗順負其屍葬之九曲叢祠。至是懸賞購其瘞。順子告于官而改葬之。

墓在今錢塘

縣棲霞嶺下。

八月以史浩參知政事。九月罷川陝宣諭使虞允文。

浩上言。官軍西討。東不可過寶雞。北不可過德順。若兵宿于外。去川口遠。則敵必襲之。朝廷遂欲棄三路。允文上言。恢復莫先于陝西。陝西五路。新復州郡。又係于德順之存亡。一旦棄之。則窺蜀之路愈多。西和成階。利害至重。不可不慮。于是允文罷知夔州。以王之望代之。

故遼人伊喇鄂斡稱帝。金將布薩忠義

本名烏哲。上京博洛科河人。按烏哲。

舊作烏者。博洛科河。舊作
拔盧古河。今改。後仿此。討平之。

鄂幹稱帝。改元天正。兵勢大張。往討者多為所敗。金主

遣右副元帥默音討之。遇于長樂。

方輿紀要。節遼饒州長樂縣。在臨潢西南。

鄂幹大敗。率眾西走。默音復追敗于霧霖河。

在臨潢西南。鄂

幹去攻懿州。

注見前。

金師久無功。布薩忠義自請行。乃以

為右副元帥。代默音。忠義及赫舍哩志寧

本名薩哈連。上京和坦人。

按薩哈連。舊作撒合輦。和坦。舊作胡塔安。今改。後仿此。

追擊之。至梟嶺。

亦作梟嶺。在臨潢西。

南。西陷泉。

金史地理志。臨潢府有陷泉。國言曰埒綳吉。按埒綳吉。舊作落孛魯。今改。後仿此。

大

敗之。鄂幹以數騎僅免。收合散卒萬餘入奚部。其黨多

降。鄂幹自知勢窮。北走沙陀。其徒執之。獻于右都監完

顏思敬。送中都斬之。其黨悉平。惟扎巴不服。頗為邊患。

金人苦之。

冬十一月。金以布薩忠義爲都元帥。赫舍哩志寧副之。

金主以宋不稱臣。乃詔忠義總戎事。居南京。節制諸軍。復令志寧駐軍淮陽。忠義將行。金主諭之曰。宋若歸侵疆。貢禮如故。則可罷兵。忠義至汴。簡閱士卒。分屯要害。十二月。詔宰相復兼樞密使。

詔吳璘班師。

金以重兵扼鳳翔。爭吳璘新復十三州三軍。璘亟馳德

順以備之。已而金防禦使富察世傑

本名阿爾山。和碩館阿多。國河人。徙

遼陽。按阿爾山。舊作阿撒。阿多。固河。舊作幹篤河。今改。後仿此。

率師十萬來攻。璘力戰。

拒之。時議棄三路。遂詔璘班師。

明年正月。璘得詔。寮屬交諫曰。將在軍。君命有

所不受。此舉所係甚重。奈何退師。璘知朝論主和。乃曰。璘豈不知此。顧主上初政。璘握重兵在遠。有詔璘何敢違。遂退師。還河池。金人乘其後。璘軍亡失者三萬。千部將數十人。連營痛哭。聲振原野。于是秦鳳熙河永興三路新復十三州三軍皆復。爲金取。旣而虞允文自川陝還。入對。言今日有八可戰。且以芻畫地。陳棄地利。害帝曰。此史浩誤朕也。改允文知太平。

御批歷代通鑑輯覽卷之八十八

宋

孝宗皇帝

帝名昀

本名伯琮。更名瑗。又更名瑋。後定名昀。

太祖六世孫子傅之子。

太祖

少子。秦王德芳生。英國公惟憲。惟憲生。新興侯從郁。從郁生。華陰侯世將。世將生。慶國公令諡。令諡生。子傅。是

為秀

母張氏。高宗建炎元年。生帝于秀州。

子傅。官嘉興王。生帝于

青牖之官舍。紅光滿室。如日正中。

杉青

高宗無子。選

育宮中。

事具前。

後遂立為皇太子。受內禪即位。

未

隆興元年。

金大定三年。

春正月。以史浩為尚書右僕射同平

章事。兼樞密使。

先是。詔議應敵定論。洪遵

字景嚴。皓仲子。

金安節

字彥亭。唐文休寧人。

孝宗初召張浚嚮用之意甚殷既曰倚魏公如長城又曰雖乞去之章曰上朕決不許賜書又有須與卿終之之語若深相倚任者何以福州之命去之曾無難色及虞允文宣撫四川且戒以無效張浚迂闊又

若

字立夫眉山人庚之子

相繼論列爭執獨無奏帝以問浩浩奏

先為備禦是謂良規儻聽淺謀之士興不教之師寇去

則論賞以邀功寇至則斂兵而遁跡謂之恢復得乎既

而浩獻策以布衣李信甫為戶部員外郎齎蠟書間道

往中原招豪傑之據有州郡者許以封王世襲其所措

置止此而已

考此條續綱目係于張浚遣邵宏淵等出師條下今依宋史史浩本傳改輯于此

以張浚為樞密使都督江淮軍馬開府建康

先是浚薦陳俊卿為宣撫判官帝召俊卿及浚子杓

字敬

夫赴行在浚附奏請帝臨幸建康以動中原之心用師

淮壖以為吳璘聲援帝見俊卿問浚動靜飲食顏貌曰

朕倚魏公如長城不容浮言搖奪遂有是命

浚開府江淮參佐皆

若夙所憎疾者然何前後
牙清若此蓋其始不過博
取恢復美名藉以虛張聲
勢後覺其難成遂無所
顧惜其情遂不覺流露直
是無定見耳

一時之選。試以少年內贊密謀。外參庶務。其所綜畫。幕
府諸人皆自以爲不及。及入奏事。因進言曰。陛下上念
祖宗之讐恥。下閔中原之塗炭。惕然于中。思有以振之。
臣謂此心之發。卽天理之所存也。願益加省察。而稽古
親賢。以自輔。使無少息。則今
日之功。可以立成。帝大異之。

三月。金人以書徵海泗唐鄧西州之地及歲幣。

先是。金人十萬衆屯河南。聲言規取兩淮。及是。赫舍哩

志寧以書抵張浚。欲凡事一依皇統以來故約。不然。請

會兵相見。且遣宣察圖們

舊作蒲察徒穆。今改。後仿此。

大周仁。屯虹

縣。唐縣。今屬江。南鳳陽府。

蕭琦屯靈壁

本零壁鎮。宋置縣。改。今屬鳳陽府。

積糧

修城爲南攻計。

以辛次膺

字起季。萊州人。

同知樞密院事。

初。次膺爲右正言。力諫和議。爲秦檜所怒。流落者二十

年帝卽位。召爲中丞。次膺每以名實爲言。多所裨益。帝呼其官而不名。若成閔之貪饕。湯思退之朋比。葉義問之姦罔。皆被論罷。每章疏一出。天下避之。渡江以後。直言之臣。稱次膺爲首。未幾。遂參知政事。

夏四月。張浚使李顯忠邵宏淵分道出師。

帝銳意恢復。張浚入見。乞卽日降詔。幸建康。帝以問史浩。浩力陳不可及。退。詰浚曰。帝王之兵。當出萬全。豈可嘗試以圖僥倖。復辨論于殿上。浚因奏浩意不可回。恐失機會。且謂金人至秋必爲邊患。當及其未發攻之。帝然其言。乃議出師渡淮。三省樞密院不預聞。會顯忠宏淵亦獻搗虹縣靈壁之策。帝命先圖二城。浚乃遣顯忠

陳康伯非主和之人。于史浩本不同臭味。浩之入對。將康伯與浚並從譏毀。心曲可知。則所謂焉用相為之語。正欲激之同去。姑以交相倚重之言。餽之耳。居心叵測。若此。豈特鄙夫不可與事君哉。

出濠州趨靈壁。宏淵出泗州趨虹縣。五月。史浩免。

省中忽見邵宏淵出兵狀。始知不由三省。徑檄諸將。浩語陳康伯曰。吾屬俱兼右府。而出兵不預聞焉。用相為哉。不去何待。入對。因奏陳康伯欲納歸附人。臣恐他日必為子孫憂。張浚銳意出師。若一失之後。恐陛下不得

復望中原。因力丐免。侍御史王十朋。

字龜齡。溫州樂清人。論浩懷

姦誤國等八罪。遂罷浩知紹興府。

王十朋再疏。謂紹興密邇行都。浩嘗為屬

吏。職穢章聞何顏復見其吏民。遂改與祠。

李顯忠復靈壁。遂會邵宏淵復虹縣。金將士多降。

顯忠自濠梁渡淮。至陡溝。

在鳳陽府靈壁縣南。澮水之支流也。

金右翼都

統蕭琦用拐子馬來拒。顯忠與之力戰。遂復靈壁。顯忠入城。宣布德意。不戮一人。于是中原歸附者接踵。宏淵圍虹久不下。顯忠遣靈壁降卒開諭禍福。金守將富察圖們、大周仁皆出降。宏淵恥功不自己出。會有降千戶訴宏淵之卒奪其佩刀。顯忠立斬之。由是二將不協。未幾。蕭琦復降于顯忠。

張浚渡江。李顯忠大敗金人。復宿州。

顯忠兵傅宿州城。金人來拒。顯忠大敗其衆。追奔二十餘里。宏淵至。謂顯忠曰。招撫真關西將軍也。顯忠閉營休士。爲攻城計。宏淵等不從。顯忠引麾下將上城。開北門。不踰時。拔其城。宏淵等殿後。趣之。始渡濠登城。城中

巷戰。又擒斬數千人。遂復宿州。中原震動。捷聞。帝手書勞張浚曰。近日邊報。中外鼓舞。十年來無此克捷。既而宏淵欲發倉庫犒卒。顯忠不可。移軍出城。止以見錢犒士。士皆不悅。詔以顯忠為淮南京東河北招討使。宏淵副之。

帝率羣臣詣德壽宮上壽。

天中節也。歲以為常。

李顯忠邵宏淵之師潰于符離。注見前。

金赫舍哩志寧自睢陽引兵攻宿州。李顯忠聞志寧軍

止萬人。心易之。

顯忠曰。當令十人執一人。日與降人置酒高會。考績綱目于此下。作顯忠擊

卻之。今採金史赫舍哩志寧傳改輯。會金博索。舊作孛撒。今復自汴率步

騎十萬來薄城下。列大陣。顯忠謂宏淵併力夾攻。宏淵

按兵不動。顯忠獨以所部力戰。

統制李福。統領李保。各以所部退避。顯忠皆斬。

以。俄而金兵大至。顯忠用克敵弓射卻之。宏淵顧衆曰。

當此盛夏。搖扇于清涼。且猶不堪。况烈日被甲苦戰乎。

人心遂搖。無復鬪志。諸將各遁。

中軍統制周宏。鳴鼓大譟。揚言敵兵至。與邵世

雍。劉侁。各以所部兵遁。繼而統

制左師淵。統領李彥孚。亦遁。顯忠移軍入城。統制張

師顏。荔澤。張淵等。以顯忠宏淵不協。皆遁去。

金人乘虛復來攻。顯忠竭力捍

禦。斬首二千餘。城東北角金兵已上。顯忠取軍所執斧

斫之。始退卻。顯忠嘆曰。若使諸軍相與犄角。自城外掩

擊。則敵兵可盡。敵帥可擒。河南之地。指日可復矣。宏淵

又言。金添生兵二十萬來。儻我兵不返。恐不測生變。顯

張浚誤遣邵宏淵既無擇
將之明迨宿州甫下金人
來攻復不預籌策應委孤
城于兩將而已反遠處于
相距四百里之盱眙身任
總戎竟若置身局外及聞
兵潰遽還揚州惟以自劾
了事于兩將罪狀不為分
別重輕轉致李顯忠安置
遠州邵宏淵仍為統制厥
罰失平浚復默無一語符

忠知宏淵無固志勢不可孤立嘆曰天未欲平中原邪
何沮撓如此遂夜引還至符離師大潰是舉所喪軍資
器械殆盡幸而金不復南時張浚在盱眙顯忠往見浚
納印待罪周密齊東野語近見四朝史張浚傳云符離
軍潰浚方鼻息如雷此是心學蓋取萊公紀
事中心意據密之說亦以四朝史為未可信也而後人舉
此以詆浚者紛紛不一考符離師潰浚時方在盱眙相
去幾四百里鼻息如雷之說何從附會即浚以劉寶為
此四朝史之妄不辨可知矣今附駁于此

鎮江諸軍都統制乃渡淮入泗州撫將士遂還揚州上
疏自劾初廣漢蘇雲卿與張浚為布衣交紹興間結廬
南昌之東湖灌園自給人稱曰蘇翁浚為相屬
洪州帥及漕禮致之師漕易服為二客往見翁叩其鄉
里曰廣漢客曰張德遠廣漢人翁當識之何如人也曰
賢人也第長于知君子短于知小人德有餘而才不足
因問德遠今何官客曰今朝廷起張公欲了此事翁曰
此恐怕他未便了得在師漕因出金幣書函具道浚意
雲卿佯期以詰朝上謁比往迎則已遁矣及是符離師

離之敗論者歸咎于浚固
非刻責也

清議者稱雲卿先見且
以其言為浚定論云

六月庚申朔日食

貶張浚為江淮宣撫使安置李顯忠于潭州

考宋史孝宗
紀顯忠先貶

節副謫筠州再貶團副謫潭州續綱目混
合為一今依顯忠本傳歸重再貶書潭州

宿師之還士大夫主和者皆議浚之非帝賜浚書曰今

日邊事倚卿為重卿不可畏人言而懷猶豫前日舉事

之初朕與卿任之今日亦須與卿終之浚乃以魏勝守

海州陳敏

字元功
州石城人

守泗州戚方守濠州郭振守六合

治高郵集縣南城為大勢修滁州關山

即石駝山在滁
州西北清流關

之北以扼敵衝聚水軍淮陰馬軍壽春大飭兩淮守備

帝復召浚子栻入奏事浚附奏曰自古有為之君心腹

之臣。相與協謀同志。以成治功。今臣以孤蹤。動輒掣肘。陛下將安用之。因乞骸骨。帝覽奏。謂杖曰。朕待魏公有加。雖乞去之。章日上。朕決不許。帝對近臣言。必曰魏公未嘗斥其名。每遣使至督府。必令視浚飲食多寡。肥瘠如何。至是。帝以符離師潰。乃議講和。召湯思退爲體泉觀使。奉朝請。而下詔罪已。于是尹穡字少稷。兗州人。居玉山。附思退。劾浚。遂降。授浚特進樞密使。充宣撫。治揚州。顯忠責授果州團練副使。潭州安置。而邵宏淵仍前建康都統制。後朝廷知其故。復顯忠太尉。奉祠。宏淵尋貶靖州團練副使。南安軍安置。

辛次膺罷。

次膺以疾祈免。且奏曰。王十朋雖上親擢。天下皆知臣薦其賢。湯思退召將至。亦知臣嘗疏其姦。遂罷奉祠。陛辭。帝甚惜其去。次膺奏曰。臣與思退理難同列。帝曰。有謂思退可用者。次膺曰。今日之事。恐非思退能辦。思退固不足道。竊恐有悞國家耳。

秋七月。以湯思退爲尚書右僕射同平章事兼樞密使。

思退復相。諫議王大寶。字元龜。其先由溫陵徙潮州。論之不報。

八月。復以張浚都督江淮軍馬。

陳俊卿以浚降秩徙治。上疏曰。若浚不用。宜別屬賢將。如欲責其後效。降官示罰可也。今削都督重權。宣揚州死地。如有奏請。臺諫沮之。人情解體。尚何後效之圖。議

者但知惡浚而欲殺之。不復爲社稷計。願下詔戒中外協濟。使浚自効。疏入。帝悟。卽復浚都督。浚遂以劉寶爲淮東招撫使。

金人復以書徵地及歲幣。詔淮西安撫幹辦官盧仲賢報之。

赫舍哩志寧以書貽三省密院云。故疆歲幣如舊。及稱臣還中原。歸附人卽止兵。不然。當俟農隙征戰。帝以付張浚。浚言金彊則來。弱則止。不在和與不和。時右相湯思退。秦檜黨也。急于求和。叅政周葵。字立義。常州宜興人。守自治之說。方出師渡淮。葵請對。謂不可輕舉。累數百言。及符離師潰。帝思其言。拜叅知政事。葵始終守其前說。續綱目作陳康伯。周葵洪遵皆上疏請和。考宋史三人傳俱未嘗請和。惟葵守自治之說而已。續綱目不可

從今

改輯工部侍郎張闡

注見前

獨曰彼欲和畏我邪愛我邪

直欵我耳力陳六害不可許帝曰朕意亦然姑隨宜應

之乃遣盧仲賢持報書如金師云海泗唐鄧等州乃正

隆渝盟之後本朝未遣使之前得之至于歲幣固非所

較第兩淮凋瘵之餘恐未如數仲賢陛辭帝勅以勿許

四郡而思退等命許之張浚奏仲賢小人多妄不可委

信不聽既而命廷臣議金帥所言四事其說不一帝曰

四州歲幣可與各分歸附人則不可從也

冬十月立賢妃夏氏

袁州宜春人

為皇后

帝初納郭氏

開封祥符人

為妃生鄧王惲

即莊文太子

慶王愷恭

王惇

即光宗

邵王恪而薨夏氏生有祥徵父協奇之及長

以資納于宮中。為吳太后閣中侍御。太后以夏氏賜帝。

至是立為后。協既納女。資置居貧。乃歸。客袁之僧舍。號夏翁而死。后訪得其弟執中。補閣門祇候。

執中與其妻至京。宮人諷使出之。擇配貴族。欲以媚后。執中不為動。他日。后親為言。執中以宋宏語對。后不能奪。執中既貴。始從師學。作大字頗工。復善騎射。帝聞其才。欲召用之。執中謝曰。他日無累陛下。保全足矣。人以

此益賢之。

十一月。盧仲賢還。有罪。除名。遣審議官胡昉如金軍。

仲賢至宿州。布薩忠義懼之以威。仲賢皇恐。言歸當稟

命。遂以忠義遺三省密院書來上。其畫定四事。仍如志

寧前書所言。帝大悔。張浚遣子栻入奏。仲賢辱國無狀。

帝怒。遂下大理。問其擅許四州之罪。奪三官。尋除名。竄

郴州。而湯思退遽以王之望字瞻叔。襄陽穀城人。充金國通問使。

EAST ASIAN LIBRARY
UNIVERSITY OF TORONTO LIBRARY
不才居伊金庫山
卷之六十一

龍大淵副之。許割棄四州。求減歲幣之半。

初之望為都督府參贊軍

事不欲戰。請入朝。因奏人主論兵。與臣下不同。惟奉承天意而已。竊觀天意。南北之形已成。未易相兼。我之不可絕淮而北。猶敵之不可越江而南也。移攻戰之力以自守。自守既固。然後隨機制變。擇利而應之。思退悅其言。故奏遣之。會右正言陳良翰。字邦彥。台州臨海人。言前遣使已辱命。

大臣不悔前失。而後遣王之望。是金不折一兵。而坐收四千里要害之地。決不可許四州也。若歲幣則俟得陵寢。然後與。庶為有名。今議未決。而之望遽行。恐其辱國不止于仲賢。願先馳一介往。俟議決。然後行。未晚也。遂以胡昉為金國通問所審議官。張浚亦力言金未可與和。請帝幸建康。以圖進兵。帝乃手詔王之望等。以禮物待命境上。而令胡昉先往。諭金以四州不可割之意。如

必欲得四州則當追還使人罷和議矣。

詔廷臣集議和金得失。召張浚還。

陳康伯等言金人通和。朝廷遣盧仲賢報之。其所論最大者三事。我所欲者。削去舊禮。彼亦肯從。彼所欲者。歲幣如數。我不深較。其未決者。彼欲得四州。而我以祖宗陵寢。欽宗梓宮爲言。未之與也。乞召張浚歸國。特垂咨訪。仍命侍從臺諫集議。帝從之。羣臣多欲從金人所請。張浚及湖北京西宣諭使虞允文起居郎胡銓監察御史閻安中。上疏力爭。以爲不可與和。湯思退怒曰。此皆以利害不切于己。大言誤國。以邀美名。宗社大事。豈同

戲劇。

以朱熹爲武學博士。

熹應召入對。言君父之讐。不與共戴天。今日所當爲者。

非戰無以復讐。非守無以制勝。時相湯思退方倡和議。

不悅。除武學博士。後與洪适

字景伯。皓長子。論不合而歸。

十二月。陳康伯罷。以湯思退。張浚爲尚書左右僕射。並同

平章事。兼樞密使。浚仍都督江淮軍馬。

甲二年。

金大定四年。

春正月。金人執胡昉。尋遣還。

昉至金。金人以失信執之。帝聞昉被執。謂浚曰。和議不

成。天也。自此事當歸一矣。詔王之望以幣還。旣而璞薩

忠義以書進。金主覽之曰。行人何罪。卽遣還。邊事

令元帥府從宜措置。

自爲難。宗心懷畏。快決計。欲和。及胡昉見執。知和議之不足。以此金師。遂激而爲戢守之說。而其中。仍無定見也。批示三省。諸語。雖似嚴切。而不能奮發。有爲。終於空言。無補。且未幾。而邊備。撤和使遣。思退。誠秦檜不若孝宗之柔。情亦豈大遠於高宗哉。

三月。張浚視師江淮。金軍退。

初。湯思退恐和議不成。奏請以宗社大計。奏稟上皇而後從事。帝批示三省曰。金無禮如此。卿猶欲議和。今日敵勢。非秦檜時比。卿議論。秦檜不若。思退大駭。續綱目載王之望奏。及錢端禮言。考宋史。張浚傳之望奏。係于詔浚視師之後。湯思退傳。又係于命浚行邊之前。兩傳本屬牴牾。續綱目混合爲一。以浚之視師。專爲罷兵。張本。敘次尤不明晰。今一依浚傳。以之望奏。改敘下。罷浚條目。俄詔浚行視江淮。時浚所招徠山東淮北忠義之士。以實建康鎮江兩軍。凡萬二千人。萬弩營所招淮南壯士。及江西羣盜。又萬餘人。陳敏統之以守泗州。凡要害之地。皆築城堡。其可因水爲險者。皆積水爲匱。增置江淮戰艦。諸軍弓矢器械悉備。金人方屯重兵。爲虛聲。

金人方有符離之捷且屯據重兵軍威大振何至聞浚視師遽有撤兵之舉况淮北山東歸附之衆徒擁虛聲而契丹勢已衰微卽應援何足爲患則謂金人益懼特宋史誇飾之詞非當時實事也

脇和有刻日決戰之語及聞浚復視師亟撤兵歸于是淮北之來歸者日不絕山東豪傑悉願受節度復以蕭錡契丹望族沈勇有謀欲令盡領降衆且以檄諭契丹約爲應援金人益懼

夏四月罷張浚判福州

先是湯思退陽乞奉祠陰謀去浚遂令王之望等驛奏

兵少糧乏樓櫓器械未備人言委四萬衆以守泗州非

計會戶部侍郎錢端禮亦言兵食日增調發不支帝頗願以符離之潰爲戒錢端禮字處和臨安人帝頗

惑之至是思退又諷右正言尹穡論浚跋扈且費國不

貲奏令張深守泗不受趙廓之代爲拒命復論督府叅

議官馮方罷之浚乃請解督府詔以錢端禮主之望宣

兩淮爲南朝屏蔽縱使交
好無嫌亦當勤修守禦何
以和議未定邊備先除作
此束手待命之狀乎總因
湯思退祖述秦檜之故智
以爲非是恐開罪於金人
耳思退固無足責孝宗亦
任其所爲豈非庸懦幸而

諭兩淮而召浚還。端禮人奏言兩淮名曰備守。守未必
備。名曰治兵。兵未必精。蓋詆浚也。浚留平江。凡入上疏
乞致仕。帝察其忠。欲全其去。乃命以少師保信節度使
判福州。右司諫陳良翰。侍御史周操言浚忠勤。人望所
屬。不當使去國。皆坐罷。

六月甲寅朔日食。

秋七月。撤兩淮邊備。

時湯思退急欲和好之成。遂罷築壽春城。散萬弩營兵。
輟修海船。毀拆水匱。不推軍功賞典。後更撤海泗。唐鄧
之戍。

八月。少師保信節度使魏公張浚卒。

諡忠獻。

金世宗意在息兵邀時苟
免向使乘其不備席捲長
驅靖康之禍又將再見於
目前矣

浚既去。朝廷遂決棄地求和之議。浚猶上疏言。尹穉姦
邪。必誤國事。或勸浚勿復以時事爲言。浚曰。吾荷兩朝
厚恩。久居重任。今雖去國。惟日望上心感悟。苟有所見。
安忍弗言。行次餘干。得疾。手書付二子栻杓曰。吾嘗相
國。不能恢復中原。雪祖宗之恥。卽死。不當葬我先人墓
左。葬我衡山足矣。數日卒。贈太保。後帝思浚忠。加贈太
師。浚幼有大志。及爲熙河幕官。徧行邊壘。覽觀山川形
勢。時時與舊戍將握手飲酒。問祖宗以來守邊舊法。
及軍陣方畧之宜。故一旦起自疏遠。當樞筦之任。悉能
通知邊事本末。在京城。中親見二帝北行。生民塗炭。誓
不與敵俱存。故終身不主和議。然才疎而果于自用。量
福而闇于知人。是以國事鮮濟。師徒屢衄。沒身有遺恨
焉。續綱目于終身不主和議下。引宋史浚傳論云。時
以浚之忠。大類漢諸葛亮。比擬差過。今節錄劉定之宋
史斷兼採柯維騏
宋史新編改輯。

宗見張浚慷慨任事謂
可倚以成功迨師潰符離
便已奪氣至浚死而拱手
稱姪驍平率循建炎家
法矣所稍異於高宗者此
猶外卑屈而中未能甘高
宗則低首下心表裏如一

邱濬曰浚學雖正而術則疎謀雖深而機則淺原其心
不可謂不忠于宋而考其行事有富平之敗淮西之變
符離之潰區區江左奔敗之餘奄奄之氣僅續能堪此
幾敗耶元揭傒斯以宋南渡之不能復歸其罪于浚未
可以為非也。

遣宗正少卿魏杞

字南夫壽春人使金

湯思退奏遣杞如金議和書稱姪大宋皇帝某再拜奉
于叔大金皇帝歲幣二十萬帝面諭杞曰今遣使一正
名二退師三減歲幣四不發歸附人杞條陳十七事擬
問對帝隨事畫可陞辭奏曰臣將旨出疆豈敢不勉萬
一無厭願加兵帝善之兵部侍郎胡銓言敵不可和
臣不已必至請降請降不已必至納土納土不已必至
輿櫬輿櫬不已必至如晉帝青衣行酒而後為快
舉朝之士皆
婦人也。不聽。

金以完顏守道本名錫里陳王希尹之孫按此與八十一卷之錫里非一人爲尙書右丞。

金主謂守道曰。卿等每奏皆常事。凡治國安民及朝政不便于民者。未嘗及也。如此則宰相之任。誰不能之。

九月。詔湯思退都督江淮軍馬。思退辭不行。

思退急欲求和。諷侍御史尹穡言乞置獄。取不肯撤備及棄地者二十餘人論罪。因擢穡諫議大夫。至是命思退都督江淮。固辭。乃以楊存中爲同都督。

冬十月。詔輔臣晚對便殿。

詔曰。朕每聽朝議政。頃刻之際。意有未盡。自今執政大臣或有奏陳。宜于申未間入對便殿。庶可坐論。得盡所

聞期躋于治。

金兵復渡淮。十一月。魏勝拒戰于淮陽。敗績死之。楚州破。湯思退以帝悔悟。恐事不成。陰遣孫造諭金以重兵脇和。金布薩忠義等遂議渡淮。魏杞行次盱眙。忠義遣趙房長問杞所以來之意。求觀國書。杞曰。書御封也。見主當廷授。房長馳白忠義。疑國書不如式。又求割商秦之地。及歸附人。且欲歲幣二十萬。杞以聞。帝命盡依初式。許割四州。歲幣亦如其數。再易國書。忠義猶以未如所欲。遂與赫舍哩志寧分兵自清河口以攻楚州。都統制劉寶棄城遁。時勝奉詔。專一措置清河口。金人乘間以舟載器甲糗糧。自清河出。欲侵邊。勝覘知之。帥忠義士

思退以和議得幸。惟恐出師有功。多方沮擊。其誤國無異於秦檜之相。高宗至陰遣人如金。令以重兵脅和。懷私賣國。竟不知是何肺腑。奸惡更浮於檜。其罪宜以勝誅乎。

拒于河口。金兵詐稱欲運糧往泗州。由清河口入淮。勝欲禦之。劉寶戒以方議和不可。金兵軼境。勝帥諸兵拒于淮陽。自卯至申。勝負未決。金圖克坦克寧帥生兵至。勝力戰。矢盡。依土阜為陣。謂士卒曰。我當死此。得脫者。歸報天子。乃令步卒居前。騎兵為殿。至淮陰東十八里。中矢墜馬死。楚州遂破。金兵尋入濠州。都統制王彥棄易書。帝怒金人反覆。詔以禮物犒督府師。杞奏金若如約。而金繒不具。恐格事機。乃行。已而帝用錢端禮言。復遣國信所大通事王抃。持周葵書如金師。得金帥報書。以歸。杞乃渡淮。續綱目以王抃如金師。附載前使魏杞如金條後。與孝宗本紀敘次前後不合。今改輯于此。

以楊存中都督江淮軍馬。

時諸軍各守分地。不相統一。存中集諸將訓護之。于是

始更相爲援。朝議欲舍淮保江。存中持不可。乃已。

湯思退以罪竄永州。道死。

言者論其主和誤國之罪。遂落職。永州居住。太學生張觀等七十二人。伏闕上書。論思退及王之望。尹穡姦邪。

誤國。鈞致敵人之罪。乞斬三人以謝天下。併竄其黨洪

适。晁公武。字子止。鉅野人。而用陳康伯。胡銓。陳良翰。王十朋。金

安節。虞允文。王大寶。陳俊卿。黃中。龔茂良。字實之。興化軍人。張

栻。劉夙。查籥。字元章。海陵人。以濟大計。思退行至信州。聞之。憂

悸而死。

復以陳康伯爲尚書左僕射。同平章事。兼樞密使。錢端禮簽書樞密院事。虞允文同簽書院事。

金兵渡淮。人情驚駭。時張浚已卒。皆望陳康伯相。乃自紹興召拜。康伯力疾至闕下。詔子安節壻文好謙掖。以見。減拜賜坐。間日一會朝。許乘肩輿至殿門。給扶升殿。非大事不署。帝又思允文之言。故并召而用之。

詔王之望勞師江上。閏月。金人逼揚州。之望以罪免。

金人至揚州。或請擊之。楊存中不敢渡江。獨臨江固壘以自守。之望與湯思退表裏。專以割地啖金爲得計。帝詔都督擇利害擊金軍。之望下令諸將。不得妄進。朝廷趣行之。望言。王朴旣還。不可冒小利害大計。言者論之。遂免。

金以女真字譯經史。

乙酉乾道元年。金大定五年。春正月。召楊存中還。

罷都督府。以存中為寧遠昭慶節度使。又罷兩淮及陝西河東宣撫招討使。

二月。左僕射同平章事陳康伯卒。諡文恭。

康伯奏事出殿門。疾作。輿至第卒。帝擇日臨奠。子安節固辭。乃止。康伯以經濟自任。臨事明斷。帝嘗謂輔臣曰。康伯有器量。其從容不迫。可比晉謝安。

三月。以虞允文參知政事。王剛中同知樞密院事。

剛中嘗言。戰守者實事。和議者虛名。不可恃虛名。害實事。居政府。未幾卒。在六月。允文尋亦罷。在八月。

魏杞還自金。始正敵國之禮。

杞至燕山。金館伴張恭愈。以國書稱大宋。賜杞去大字。

金史世宗紀載魏杞以國書不稱大稱姪宋皇帝與宋史異則此所云賜杞

去大字已無足深信且兩國名稱相均當為敵體姪猶子也宋既稱姪稱名其與石晉之子契丹相去有幾而以不去大字為正敵國禮所謂不揣其本而齊其末宋史臣虛詞夸大豈能掩其實乎

杞拒之。具言天子神聖。才傑奮起。人人有敵愾意。北朝用兵。能保必勝乎。金君臣環聽拱竦。金主許損歲幣。不發歸附人。命元帥府罷兵。分成杞卒。正敵國禮而還。帝慰藉甚厚。先是王朴還。因赦沿邊被兵州軍。詔曰。比遣王朴遠抵潁濱。得其要約。尋澶淵盟誓之信。仿大遼書題之儀。正皇帝之稱。為叔姪之國。歲幣減十萬之數。地界如紹興之時。隣彼此之無辜。約叛亡之不遣。可使歸附之士咸起寧居之心。洪适所草也。論者謂前日之所貶損。四方蓋未聞知。今著之赦文。失國體矣。夏五月。金以布薩忠義為尚書左丞相。赫舍哩志寧為平章政事。

先是和議既定。命元帥府諸新舊軍。以六萬人留戍。餘並放還。又以宋國歲幣賞諸軍。於是都元帥布薩忠義先還。拜尚書左丞相。尋召左副元帥赫舍哩志寧入見。

拜平章政事。諭曰：南服雖定，尚須卿往規畫。志寧廼還駐南京。

六月，以洪适簽書樞密院事。

适拜簽書。帝謂錢端禮虞允文曰：「三省事可與洪适共議。」自是東西府始同班奏事。未幾，以适參知政事。

秋八月，立鄧王惲爲皇太子，大赦。

惲，帝長子也。

錢端禮罷。

時久不置相，端禮以首參闕之甚急。太子惲夫人，端禮女也。殿中侍御史唐堯封論端禮帝姻，不可任執政。坐遷太常少卿。館閣士相與上疏，排端禮者，皆被斥。吏部

侍郎陳俊卿言。本朝不以戚屬爲相。陛下所宜守。帝納其言。端禮憾之。出俊卿知建寧。及太子立。端禮不得已。引嫌奉祠。

冬十二月。以洪适爲尚書右僕射。同平章事。兼樞密使。汪

澈爲樞密使。

葉顥字子昂。興化軍仙遊人。參知政事。

适以文學聞望。遭時遇主。自中書舍人半歲四遷。至右

相。然無大建明。以究其所學。旣而以霖雨引咎乞罷。帝

從之。

在明年三月。

澈在樞府。帝密訪人材。澈薦百有十八人。

嘗奏言。臣起寒遠。所以報國。無私不欺爾。未幾罷。

在明年四月。

月。顥由資政殿學士拜參知。爲林安宅所劾。落職奉祠。

在明年五月。

事尋白。仍召知樞密。

先是。林安宅請兩淮行鐵錢。葉顥執不可。已而安宅

同知樞密。遂劾奏。願子受富民錢百萬。得為監軍。帝罷願。下其事于臨安府。既置對。安宅失實。貶居筠州。在明年八月。

丙二年。金大定六年。春二月。金左丞相布薩忠義卒。

忠義謙以接下。敬儒重士。與人交。侃侃如也。善馭將卒。能得死力。為宰輔數年。知無不言。故能以外戚兼任將相。以功名終。

夏五月。修建康行宮。

冬十一月。寧遠昭慶節度使楊存中卒。

諡武恭。

存中出入宿衛四十年。忠義勇敢而寡過。大小二百餘戰。未嘗大衄。上皇最眷念之。

十二月。以葉頤。魏杞為尚書左右僕射。同平章事。兼樞密。

用人固當隨才器使賢愚
各由生質固不妨並進兼
收若姦盜法所必懲豈宜
進用葉顥之言蓋指管仲
陳平者流耳然管陳不常
有而姦盜非盡有奇材也
顥于龍大淵隱約其辭飾
為不經之說思欲遷就調
停不得謂之盡誠建白也

使蔣芾

字子禮。常州宜興人。

參知政事。陳俊卿同知樞密院事。

顥召知樞密未拜。進僕射。首薦汪應辰。主十朋。陳良翰。

周操。陳之茂。林光朝。

字謙之。莆田人。

等可備執政侍從臺諫。帝

嘉納。又言自古明君用人。使賢使愚。使姦使盜。惟去泰

甚。蓋指龍大淵也。初帝未能屏鞠戲。又將遊獵白石。

注見

前。俊卿上疏力諫。至引漢桓靈唐敬穆以為戒。帝喜曰。

所奏備見忠讜。朕決意用卿矣。遂有樞副之命。

置制國用司。以宰相領之。

議者言近以宰相兼樞密使。蓋欲使知兵也。而不知財

穀出入之源可乎。且唐制宰相兼領三司使。于是詔自

今宰相可帶制國用使。參知政事帶同知。

八年二月罷之。

丁亥三年金大定七年春二月出龍大淵為浙東總管。曾覲為福建總管。

大淵覲怙寵擅權。周必大字子充一字洪道廬陵人金安節等嘗極

論之多坐斥。至是中書舍人洪邁言于陳俊卿曰。大淵

覲言鄭聞當除右史。某當除西掖。信乎。俊卿以邁言質

于帝。帝怒。遂出二人于外。

帝從太上皇幸玉津園。在杭州府錢塘縣龍山北。紹興中建。隆興後為帝與羣臣燕射之所。

復從幸聚景園。在錢塘縣清波門外。歲以為常。

三月秀王夫人張氏卒。

帝成服于後苑。

夏五月太傅四川宣撫使新安王吳璘卒。諡武順。

璘病革呼幕客草遺表曰願陛下毋棄四州毋輕出兵

不及家事及卒贈太師追封信王

璘剛勇喜大節畧苛細代兄玠守蜀二十

年隱然爲方面之重威聲亞于玠上皇嘗問勝敵之術于璘璘對曰弱者出戰彊者繼之上皇曰此孫武子三

使

駟之法一敗而二勝也璘選諸將率以功有薦才者璘

曰兵官非嘗試難知其才以小善進之則僥倖者獲志

而邊人宿將之心忘矣璘既卒議擇代帝謂虞允文曰

無以易卿凡事無效張浚迂濶遂以允文爲四川宣撫

六月皇后夏氏崩

諡曰安恭

尋攢于修吉寺

秋七月太子愔卒

諡曰莊文

九月金主幸保州詔察訪所過州縣官

金主秋獵次保州詔修起居注王天祺察訪所過州縣

巡幸所至原欲周知民間疾苦絲毫損累民間豈有方問俗之本意金世宗每

出必嚴飭郡邑並擇官彈
壓而官吏材否尤留意訪
察可謂得爲政之本矣

官。又謂侍臣曰。近聞朕所幸郡邑。凡堂宇曾經宴寢者。
後皆避之。此甚無謂。可宣諭令仍舊居住。又嘗諭宰臣
曰。朕每次舍秣馬之具。皆假于民。聞多亡失。不還其主。
此彈壓官不職。可擇人代之。所過卽令詢問。有似此者。
並償其值。

冬十一月。合祀天地于圜丘。雷。葉顥。魏杞免。

帝以郊祀而雷出非時。用漢制罷顥杞相。顥爲人簡易
清介。與物若無忤。至處大事。則毅然不可奪。罷歸後。尋
卒。諡正簡。

以陳俊卿參知政事。劉珙同知樞密院事。

珙自湖南召還。授翰林學士。上言世儒多病。漢高帝不

說學。輕儒生。臣以爲漢高帝所不說者。特腐儒俗學耳。使當時有以二帝三王之學告之。知其必敬信。功烈不止此。因陳聖王之學。所以明理正心。爲萬事之綱。帝稱善。遂拜樞副。珙因薦張栻。汪應辰。陳良翰學行于帝。

十二月。金出富察通爲肇州防禦使。

通爲殿前右衛將軍。金主惡其人。出之于外。臨發。賜金帶諭之曰。卿雖有才。然用心多詐。朕左右須忠實人。故命卿補外。賜卿金帶者。答卿服勞之久也。因顧謂左宣徽使敬嗣暉曰。如卿不可謂無才。所欠者純實耳。又諭宰臣曰。卿等舉用人才。凡已所知識。必使他人舉奏。朕甚不喜。如其果賢。何必以親疎爲避忌也。

戊子四年。金大定八年。春二月。以蔣芾爲尙書右僕射同平章事。

兼樞密使。

詔芾常朝贊拜不名。芾辭許之。

夏五月。行乾道歷。

帝以近世歷學失傳。士大夫無習之者。新歷比舊。特彼善于此。乃不別製名。祇以乾道命名。

秋八月。劉珙罷。

主管殿前司公事王珙奉詔按視兩淮城堡。還薦和州教授劉甄夫。帝命召之。陳俊卿言教官有才。何與珙事。劉珙遂呼珙詰責之。珙謝後不敢。會揚州奏珙擅令增築新城。俊卿奏珙詐傳上旨。非小故。珙遂削秩。珙時同

在帝前爭之尤力。言忤帝意遂罷。珙奉祠。俊卿復言。奏實臣草當先罷臣。且珙正直有才。若以小事獲罪。自此大臣皆阿順持祿。非國家福。乃改珙帥江西。

冬十月起復蔣芾爲尚書左僕射。以陳俊卿爲右僕射。並同平章事兼樞密使。芾辭許之。

芾于六月以母喪去位。至是起復之。有密旨欲今歲大舉。芾奏天時人事未至。帝不悅。

大閱于茅灘。

在錢塘縣西南江濱。

帝親御甲冑。指授方畧。爲方圓銳直四陣。戈甲耀日。旌旗蔽天。六師驩踴。犒賚有加。

十二月召建州布衣魏掞之。

字子實。初字元履。建州建陽人。

以爲太學錄。

習武練兵固國家要務。但是時兩淮邊備猶未修復。僅僅簡閱禁軍以戈甲耀日。旌旗蔽天。爲誇詡之詞。何濟于事。乃有今歲大舉之言。自欺欺人。真不值一

揆之師胡憲與朱熹遊。諸司薦其學行。召赴行在。入對。帝曰。治道以何爲要。揆之奏。治道以分臣下邪正爲要。詔除太學錄。時將釋奠孔子。揆之請廢安石父子勿祀。而追爵程氏兄弟使從食。不聽。又言太學之教。宜以德行爲先。今一以空言浮說取之。非是。其他政事有係安危治亂之機者。無不抗疏盡言。至三四。皆不見省。遂罷爲台州教授。尋以病卒。聞者惜之。

西遼普蘇完殺其夫蕭都爾伯。

舊作朶魯不。今改。

其舅烏拉琳。

舊作

幹里刺。今改。

討誅之。而立耶律卓勒古。

舊作直魯古。今改。

普蘇完與都爾伯弟布固濟蘇沙喇。

舊作朴古只沙里。今改。

通出

都爾伯爲東平王而殺之。都爾伯夫烏拉琳以兵問罪。

殺普蘇完。及布固濟蘇沙喇。迎伊喀次子卓勒古立之。
改元天禧。

巳丑五年。

金大定九年。

春正月。措置兩淮屯田。

陳俊卿以兩淮備禦未設。民無固志。萬一寇至。倉猝調兵。恐不及事。請于揚州。和州。各屯三萬人。仍籍民家三丁者。取其一。以爲義兵。授之弓弩。教以戰陣。農隙之日。給以兩月之食。聚而教之。沿江諸郡。亦用其法。諸將渡江。則使之城守。以備緩急。且以陰制州兵頡頏之患。其兩淮諸郡守臣。但當擇才。不當復論文武。計資歷。捐以財賦。許辟官吏。畧其小過。責其成功。要使大兵屯要害。必爭之地。待敵至而決戰。使民兵各守其城。相爲犄角。

以壯聲勢。帝意亦以為然。詔即行之。然竟為眾論所持。俊卿尋亦去位。不能及其成也。

二月。以王炎字晦叔。婺源人。參知政事。三月。召四川宣撫使虞允

文還。以炎代之。

陳俊卿薦虞允文才堪將相。故有是命。允文至。以為樞密使。

夏五月。帝不視朝。六月。始視朝。

以射弩弦斷傷目故也。陳俊卿言于帝曰。陛下未能忘騎射者。蓋志圖恢復耳。誠能任

智謀之士。仗武猛之將。明賞罰。恢信義。則英聲義烈。不出尊俎。而敵人已震懼于萬里之遠。何待區區馳射于

百步之間哉。願以今日之事。永為後戒。

秋七月。以曾覲為浙東總管。

射為六藝之一。習射固所不廢。處承平之日。已當安不忘危。况在偏安僻處之際乎。孝宗留意馳射。尚屬勞厲。眾然亦何至弩弦傷目。亦可謂無能之甚矣。而

俊卿遂有當永爲後戒之辭。爾時君若臣之設施若此。可怪其終不能恢復中原乎。

先是龍大淵死。覲在福建。帝憐欲召之。劉珙奏曰。此曹奴隸。厚賜之可也。引以自近。使得預聞政事。非所以增德業。振紀綱也。帝納珙言。命遂寢。既而覲垂滿。陳俊卿恐其入。預請以浙東總管處之。覲入見。詔進覲一官。爲觀察使。俊卿及虞允文諫不可。竟申浙東之命。覲怏怏而去。

八月甲申朔日食。

以陳俊卿虞允文爲尙書左右僕射。並同平章事兼樞密使。

俊卿以用人爲己任。所除吏皆一時之選。獎廉退。抑奔競。或才可用而資歷淺者。則密薦于帝。未嘗語人。每接

朝士及牧守自遠至。必問以時政得失。人才賢否。充文
為相。亦以人才為急。嘗籍為三等。有所見聞。即記之。號
材館錄。故所用皆知名士。

庚寅

六年

金大定十年

春三月。金以宗叙

世祖孫

為參知政事。

金主謂宗叙曰。卿昨為河南統軍時。言黃河堤埽利害。
甚合朕意。朕每念百姓差調。官吏互為姦弊。若不早計。
而迫期徵歛。民增十倍之費。為害非細。卿既參朝政。當
盡革諸弊。擇利而行之。又諭左丞石琚。字子美。定州人。曰。女真
人。經居達要。不知間閭疾苦。汝等自丞簿至是。民間何
事不知。凡有利害。宜悉敷陳。

夏四月。罷吏部尚書汪應辰。

上皇謂水銀買自汪尚書家孝宗既聞此言卽當詳加體察如其事果實則以大臣而沽直牟利譴責固所應加否則宜爲之辨白乃懷其夙昔進言之嫌勃然詰諷致應辰不安其官復假他事以罷是非大公至正之道以致有實非買應辰家之疑案蓋孝宗既不能處之以光明正大故不免左袒應辰者爲疑似之言也

應辰剛方正直敢言不避在朝多革弊政中貴人皆側目上皇方斲石池以水銀浮金鳧魚于上帝過之上皇指示曰水銀正乏此買之汪尚書家帝怒曰汪應辰力言朕建房廊與民爭利乃自販水銀邪應辰聞之力求去會賜發運使史正志緡錢二百萬爲均輸和糴之用應辰三上疏論之遂出知平江府然水銀實非買應辰家也

五月陳俊卿罷

虞允文建議遣使如金以陵寢爲請俊卿以爲不可允文請不已帝手札諭俊卿俊卿奏曰陛下痛念祖宗思復故疆然大事須萬全俟一二年吾力稍完乃可不敢

迎合意指。以誤國事。帝意方嚮允文俊卿。以論不合。因力求去。遂判福州。陛辭。猶勸帝遠佞親賢。修內攘外。泛使不可輕遣。

夏相任得敬。脇其主仁孝。中分其國。請命于金。金主不許。初。仁孝之嗣位也。國內多亂。任得敬抗禦有功。遂相夏國。專政二十餘年。陰蓄異志。欲圖夏國。誣殺宗親大臣。其勢漸逼。仁孝不能制。是歲。乃分西南路。及靈州囉龐

嶺。在寧夏府靈州西。

地。與得敬自爲國。且上表于金。爲得敬求

封。金主以問宰相。尚書令李石等曰。事繫本國。我何預焉。不如因而許之。金主曰。有國之主。豈肯無故分國與人。此必權臣逼奪。非夏主本意。况夏國稱藩歲久。一旦

通于賊臣。朕爲四海主。寧容此邪。若彼不能自正。則當以兵誅之。不可許也。乃却其貢物。賜仁孝詔曰。先業所傳。亦當固守。今茲請命。事頗靡常。未知措意之由來。續當遣使以詢爾。得敬始有懼心。未幾仁孝誅得敬。遣使謝金主慰之。

閏月。以起居郎范成大字致能。吳郡人。爲金國祈請使。

宋之陵寢陷于金地。自當急圖克還。故壤但初無礙。復之謀徒以一介行李乞哀。願請誰則憐其志而無端割地以畀之。且遣使旣以祈請爲名。而所爭乃在受書小節。雖史稱成大全節。而其事吳何裨益邪。

求陵寢地。及更定受書禮。蓋泛使也。紹興中金使者至。捧書升殿。北面立榻前跪進。帝降榻受書。以授內侍。金主初立。使者至。陳康伯令伴使取書以進。及湯思退當國。復循紹興故事。帝意悔之。故令成大口以爲請。成大至金。密草奏具言受書式。懷之入。初進國書。辭氣慷慨。

金君臣方傾聽成大忽奏曰兩國共爲叔姪而受書禮未稱臣有疏措笏出之金主大駭曰此豈獻書處邪左右以笏標起之成大屹不動必欲書達旣而歸館所金庭紛然其太子允恭欲殺成大或勸止之竟得全節而歸其復書畧云和好再成界河山而如舊緘音遽至拾俟刻期之報至若未歸之旅觀亦當並發于行塗抑聞附請之辭欲變受書之禮于尊卑之分何如願信誓之誠安在于是二事皆無成功初議遣使祈請陵寢士大夫有憂其無備而召兵者輒斥去之起居郎張栻入對帝曰卿知敵國事乎栻對曰不知也帝曰金國饑饉連年盜賊四起栻曰金人之事臣雖未知境內之事則知之矣帝曰何也栻曰臣竊見比年諸道多水旱民貧日甚而國家兵弱財匱官吏誕謾不足倚賴正使彼實可圖臣懼我之未足以圖彼也帝默然久之栻復奏曰臣竊謂陵寢隔絕誠臣子不忍言之至痛然今日未能奉辭以討之又不能正名以絕之乃欲卑辭厚禮以求于彼則于大義已爲未盡而或猶以爲憂者蓋見我未有

恢復大計惟當斷之于心
即欲集思廣益亦何難謀
定廟堂以決勝算奚必待
置局而後議邪孝宗間趙
鼎之請而喜徒博恢復虛

必勝之形故也。夫必勝之形當在于早正素定之時。而
不在于兩陣決機之日。今日但當下哀痛之詔。明復讐
之義。顯絕金人。不與通使。然後修德立政。用賢養民。選
將練兵。以內修外攘。進戰退守。通為一事。必治其實。而
不為虛文。則必勝之形。隱然可見。雖有淺陋
畏怯之人。亦且奮躍而爭先矣。帝深納之。

冬十月高麗翼陽公皓廢其君現而自立。

皓。現弟也。以讓國奏于金。金主曰。讓國大事也。必皓篡
之耳。卻其使。而命有司詳問。皓復取現表。言父遺訓傳
位于皓。金主乃封之。

十一月遣中書舍人趙雄

字溫叔。資州人。如金。

起居舍人趙雄請置局議恢復。帝喜。進中書舍人。遣如
金賀生辰。別函書請陵寢及更受書之禮。金主不許。雄
辭歸。金主謂雄曰。汝國何舍欽宗。而請葬洛山陵。如不

名以掩其偷安之迹非真能銳志有爲也及遣使出驛仍因生辰致賀而別函所白復舍欽宗而請山陵一經詰責便無詞以對卒之輟洛葬視一品孝宗其能無愧于心乎

欲欽宗之極我嘗爲爾國葬之

辛卯七年金大定十一年春正月朔上太上皇尊號

帝尋諭輔臣曰前日奉上冊寶上皇聖意甚悅翌日過宮侍宴邦家非常之慶漢唐所無也又曰本朝家法遠過漢唐惟用兵一事未及朕以敵讐未復日不遑暇如宮中臺殿上皇時爲之朕未嘗敢增益上皇列觀徘徊周覽爲之興嘆頗訝其不飾也

金禁羣臣相饋獻

尚書省奏汾陽節度副使牛信昌生日受饋獻法當奪官金主曰朝廷行事苟不自正何以正天下尚書省樞密院生日節辰饋獻不少此而不問小官饋獻卽加按

劾。豈正天下之道。自今宰執樞密饋獻。亦宜罷去。
帝作敬天圖。

帝謂輔臣曰。無逸一篇。享國長久。皆本於寅畏。朕近日
取尚書所載敬天事。編爲兩圖。朝夕觀覽。以自警省。名
曰敬天圖。虞允文對云。惟陛下盡躬行之實。敬畏不已。
必有明效大驗。帝深然之。

二月。立恭王惇爲皇太子。大赦。進封慶王愷爲魏王。

莊文太子卒。慶王愷以次當立。帝以恭王惇英武類已。
越次立之。而進封愷爲魏王。判寧國府。帝謂輔臣曰。古
人以教子爲重。其事備見於文王世子。須當多置僚屬。
博選忠良。使左右前後罔非正人。不然。一薛居州。亦無

益也。尋以王十朋、陳良翰爲太子詹事。劉焯爲國子司業。兼太子侍讀。復詔皇太子領臨安戶。

三月金葬欽宗皇帝於鞏洛之原。

以一品禮。

以張說

開封人。

簽書樞密院事。未拜而罷。

說妻吳氏。太上皇后女弟也。說因攀緣親屬。擢拜樞府。命下。朝論譁然。未有敢誦言攻之者。左司員外郎兼侍講張栻獨上疏切諫。且詣朝堂責虞允文曰。宦官執政。自京黼始。近習執政。自相公始。允文慙憤不堪。栻復奏文武誠不可偏。然今欲右武以均二柄。而所用乃得如此之人。非惟不足以服文吏之心。正恐反激武臣之怒。

帝感悟。命遂寢。

夏五月。起復劉珙爲荆襄宣撫使。珙固辭不起。

珙安撫江西。以憂去。及起復。凡六疏懇辭。引經據禮。詞甚切至。最後言曰。三年通喪。先王因人情而節文之。三代以來。未之有改。至于漢儒。乃有金革無避之說。此固已爲先王之罪人矣。然尙有可諉者曰。魯公伯禽有爲爲之也。今以陛下威靈。邊陲幸尙無警。臣乃冒金革之名。以私利祿之實。不又爲漢儒之罪人乎。帝納其言。爲寢前詔。珙乃手疏別奏。畧曰。天下之事。有其實而不露其形者。無所爲而不敗。今德未加修。賢不得用。賦歛日重。民無所爲而不敗。今德未加修。賢不得用。賦歛日重。民不聊生。將帥方割削士卒。以事苞苴。士卒方饑寒窮苦。而生怨謗。凡吾所以自治而爲恢復之實。而大抵濶畧如此。而乃外招歸正之人。內移禁衛之卒。况筭未立。手足

先露其勢適足以速禍而致寇。且荆襄四支也。朝廷元氣也。誠使朝廷設施得宜。元氣充實。則犂庭掃穴。在反掌間耳。何荆襄之足慮。如其不然。則荆襄雖得臣輩百人。悉心經理。亦何足恃哉。臣恐恢復之功未易可圖。而意外立至之憂將有不勝言者。惟陛下圖之。

冬十月。金人遣使致聘。

金使烏凌噶天錫來賀生辰。要帝降榻問金主起居。虞允文請帝還內。命知閣門事王抃諭天錫以明日會慶節就見。天錫沮退。

金主幸太子宮。

金主謂太子曰。朕爲汝措天下。當無復有經營之事。汝惟無忘祖宗純厚之風。以勤修道德爲孝。明信賞罰爲治而已。昔唐太宗謂高宗曰。吾伐高麗不克終。汝可繼

之。如此之事。朕不以遺汝。如遼之海濱王。以國人愛其子。嫉而殺之。此何理也。子爲衆愛。愈爲美事。所爲若此。安有不亡。唐太宗又嘗謂高宗曰。爾于李勣無恩。今以事出之。我死。宜卽授以僕射。彼必致死力矣。君人者焉。用僞爲。受恩于父。安有忘報于子者乎。朕御臣下。惟以誠實耳。

壬辰

八年

金大定十二年

春

二月

改左右僕射爲左右丞相。以虞允

文。梁克家。

字叔子。泉州晉江人。

爲之。並兼樞密使。

尋又省侍中。中書令。尚書令之官。以左右丞相充其位。罷左司員外郎兼侍講張栻。

宰相陰主張說欲伸前命。故出栻知袁州。栻在朝僅一

年召對至六七。所言皆脩身務學。畏天恤民。抑僥倖。屏讒諛。宰相近習皆憚之。

復以張說簽書樞密院事。罷侍御史李衡。字仲行。江都人。等四人。

侍御史李衡。右正言王希呂。字仲行。宿州人。論說不可執政。直

學士院。周必大。不草答詔。給事中莫濟。字子齊。吳興人。封還錄

黃帝詔翰林學士王曠草制。權給事中姚憲書行。而罷

四人。都人作四賢詩以紀之。

夏四月。金右丞相赫舍哩志寧卒。

金主嘗宴羣臣于太子宮。顧志寧謂太子曰。天下無事。

吾父子今日相樂。皆此人力也。及卒。甚悼惜之。曰。志寧

臨敵。身先士卒。勇敢之氣。自太師梁王後。未有如此人。

也

秋七月金罷保安

注見前

蘭州

續綱目作蘭安。考金史地理志有蘭州。無蘭安。續綱目蓋

仍夏國傳之訛。今改權場

金主謂宰臣曰。夏國以珠玉易我絲帛。是以無用易我

有用也。命罷之。

後承安中復置。

罷虞允文為四川宣撫使。

帝命選諫官。允文以李彥穎

字秀叔。湖州德清人。

林光朝。王質

字景

文。興國軍人。

對。三人皆鯁亮有文學。為時所推重。帝不報。而

用曾覲所薦者。允文。梁克家爭之。不從。允文遂力求去。

授四川宣撫使。進封雍國公。陛辭。帝諭以進取之方。期

日會河南。御正衙酌酒賦詩以遣之。

帝王繼緒貽祚延國祚于
勿替惟當敬念先業無忘
舊風如周家以農事開基
故無逸首重民依幽風備
陳衣食示重本也金世宗
憊倦于女真純實舊俗恐
後世漸染漢人風氣至文
字語言或不通曉諄切教
誡既禁譯稱漢姓復禁學
南人衣飾敦本務實體前
型而後來疎廢最爲深
遠豈北魏遼元之見異思

冬十一月金去金銀坑冶之稅。

不禁民採。

癸巳

九年

金大定十三年

夏五月

壬辰朔日食。

金禁女真人譯爲漢姓。

金主嘗謂宰臣曰。會寧乃國家興王之地。自海陵遷都
永安。女真人寢忘舊風。朕少時嘗見女真風俗。迄今不
忘。今之燕飲音樂。皆習漢風。蓋以備禮也。非朕心所好。
東宮不知女真風俗。第以朕故。猶尚存之。恐異時一變
此風。非長久之計。甚欲一至會寧。使子孫得見舊俗。庶
幾習效之。又嘗御睿思殿。命歌者歌女真詞。顧謂皇太
子及諸王曰。朕思先朝所行之事。未嘗暫忘。故時聽此。

遷者所能彷彿其萬一哉

御批歷代文獻備考

卷之八十八

三

詞亦欲令汝輩知之。汝輩自幼惟習漢人風俗。不知女真純實之風。至于文字語言。或不通曉。是忘本也。汝輩當體朕意。至于子孫。亦當遵朕教誡。至是。禁女真人毋得譯漢姓。未幾復以會寧府爲上京。

冬十月。梁克家罷。以曾懷

字欽道。晉江人。爲右丞相。

克家時獨相。貴戚權幸。不多假借。而外濟以和。至是以議金使朝見受書儀。朝廷欲移文泗州。示金生辰使完顏襄使正其禮。克家以爲不可。與張說

時說同知樞密院事。不合。

遂求去。出知建寧。旣而金果不從。

說尋知樞密院事。旣而帝知其欺。罷之。

甲午淳熙元年。

金大定十四年。

春二月。少保四川宣撫使雍公虞允

文卒。

諡忠肅。

先是帝密詔趣師期。尤文奏軍需未備。帝不樂。至是。帝遣二介持御札賜之。介至而尤文卒數日矣。詔贈太傅。夏四月。以姚憲參知政事。葉衡字夢錫。婺州金華人。簽書樞密院事。六月。憲罷。以衡代之。

衡奏。牧守將帥。必擇材以稱其職。必久任以盡其材。帝從之。

冬十一月甲申朔。日食。

以龔茂良參知政事。

茂良除禮部侍郎。帝亟進用之。手詔問故事。有自從官徑除執政例。遂有是命。

曾懷罷。以葉衡爲右丞相兼樞密使。

黨援錮習最足爲人心風俗之患當朝政清明舉措公當門戶攻訐之技自無所施固一定之理也孝宗論列牛李舊事及用人大綱未嘗不明于治體乃未幾入邦彥之譏而葉衡罷忤曾觀之黨而龔茂良罷所謂公是公非者安在言之易而行之難孝宗能無愧于心乎

衡有才智由小官不十年至宰相人謂出于曾觀。

乙未二年。金大定十五年。夏四月。宴輔臣于玉津園。

帝謂葉衡等曰。朝廷用人止論其賢否如何。不可有黨。如唐之牛李。其黨相攻四十年不解。皆緣主聽不明。所以至此。文宗乃言去河北賊易。去朝中朋黨難。朕常笑之。爲人主者。但公是公非。何緣有黨。又曰。近來士大夫好倡爲清議。此語一出。竊恐相帥成風。便以趨事赴功者爲猥俗。以矯激沽譽者爲清高。駸駸不已。如東漢激成黨錮之風。深害治體。豈可不戒。卿等宜書諸紳。

秋八月。以左司諫湯邦彥爲金國申議使。九月。葉衡罷。帝諭執政選使求河南陵寢地。葉衡奏。邦彥有口辯。宜

使。邦彥請對。問所以遣。知薦出于衡。恨之。因奏衡對客

有訕上語。帝大怒罷衡。

贈趙鼎太傅。追封豐國公。諡忠簡。

高麗將趙位寵。以四十餘城叛附金。金主不受。

位寵。高麗西京留守也。以慈悲嶺在朝鮮國平壤城東。至鴨綠江

注見前。四十餘城叛附于金。金主曰。朕懷綏萬邦。豈助叛

臣爲虐。執其使付高麗。位寵伏誅。

閏月。以李彥穎參知政事。

時湯邦彥新進。奉使于金。冀僥倖集事。彥穎奏邦彥輕

脫。誤國。不從。

丙三年。金大定十六年。春三月。丙午朔。日食。

夏四月金始命增置外府學及京府女真學

京府設學金史選舉志及

溫特赫德木達傳稱大定十三年續綱目據世宗本紀作十六年今仍之但考選舉志是年又設諸路府學不止女真學本紀不加分晰續綱目亦採錄未明今依志傳改輯按溫特赫德木達舊作溫迪罕締達今改

先是金置太學

大定六年

及是又命增置外府學

其科曰詞賦曰經義

曰策論謂之進士曰律科曰經童謂之舉人曰宏詞則制舉科也

又有專試女真人科

始于大定四年頒行女真大小字所譯經書遂興女真字學多擇明安穆昆內良家子為生于京師廩給九年以國史院編修溫特赫德木達字學最號精深命教諸生習作詩策後復定為策論謂之女真進士科

又命京師增設女真國子學諸路設女真府學亦

同漢進士三年一試之制

又定宗室宰相子程試等第其後二十八年復增置女真

太學

夏六月召朱熹為秘書郎不至

先是陳俊卿劉琪薦熹爲樞密院編脩官累召不至梁克家奏乞褒錄之帝曰熹安貧守道廉退可嘉命主管台州崇道觀至是龔茂良言熹操行耿介除秘書郎熹以改官之命正以嘉其廉退顧乃冒進擢之寵是左右望而罔市利也力辭不至會復有言虛名之不可用者遂改主管武夷山冲佑觀史浩復薦熹知南康軍再辭不許至南康值歲不雨講求荒政多所全活間詣郡學引士子與之講論訪唐李渤白鹿洞書院在江西南康府星子縣北廬山五老峯下唐李渤讀書廬山常畜一白鹿相隨因以名洞南唐于此建學宋初始置書院後廢朱熹復建遺址奏復其舊爲學規俾守之

湯邦彥有罪流新州

邦彥至金。金人拒不納。旬餘乃引見。夾道之士皆控弦露刃。邦彥怖。不能措一辭而還。帝怒其無狀。詔流新州。自是陵寢之議遂息。

冬十月立貴妃謝氏。

丹陽人。

爲皇后。

后幼孤。鞠于翟氏。因冒姓翟。及長。被選入宮。侍太上皇。后。后以賜帝。累册貴妃。夏后崩。中宮虛位。妃侍帝過德壽宮。太上諭帝立之。復姓謝氏。

丁酉

四年。

金大定十七年。

春正月。高麗致貢于金。

高麗遣使謝金不納。叛。金有司奏高麗所進玉帶。乃石似玉者。金主曰。小國無能識辨。誤以爲玉耳。且人不易物。惟德其物。若復卻之。豈政體也。

二月。帝謁孔子廟。遂臨太學。

金葬宋遼宗室于河南廣寧。

本遼奉先軍。金置府。明改衛。今爲縣。屬奉天錦州府。舊

陵。

三月。金免河北山東等路租稅。

河北山東陝西河東西京遼東等十路旱蝗。金主詔免其租稅。又賑東京博索和碩館三路。尙書省奏三路粟不能周給。金主曰。朕嘗語卿等。遇豐年卽廣糴以爲備。卿等皆言天下倉廩盈溢。今欲賑濟。乃云不給。夫蓄積爲國家長計。朕之積粟。豈欲獨用之邪。今旣不給。可於鄰道取濟。自今預備當以爲常。

夏六月。罷龔茂良放之英州。

自葉衡罷。茂良行相事。

凡再踰歲。帝迄不置相。因謂茂良曰。史官近奏三台星不明。蓋

實艱其選耳。

會帝思史浩。自明州召爲醴泉觀使。兼侍講。茂

良亦覺眷衰。求去。帝曰。朕以經筵召浩。卿不須疑。旣而

曾覲欲以文資錄其孫。茂良以文武官各隨本色蔭補

格法繳進。覲因茂良入堂。道間俾直省官賈光祖等當

道不避。街司叱之。光祖曰。參政能幾時。茂良奏曰。臣固

不足道。所惜者朝廷大體。帝諭覲往謝。茂良取光祖于

臨安府。撻之。御札宣問施行太遽。茂良待罪。帝遣使諭

復位。會覲黨謝廓然賜出身。除殿中侍御史。中書舍人

林光朝繳還詞頭。帝怒。罷光朝。光朝與茂良同里。茂良

遂引疾求去。出知建康。猶手疏恢復六事。帝曰。卿五年

茂良以眷衰求去已不免
下悻悻至省吏倚勢敢于
顯抗參政不過一無知妄
人何足與較亦何致遂傷
大體執奏已爲過當徑取
而撻之不更過乎不能懲
忿而因以罹愆茂良實失
之下急而孝宗始事調停
終加詰責亦不得謂非徇
私見也

不說恢復。何故今日及此。退朝甚怒。曰。福建子不可信。如此。廓然因劾之。遂責降英州安置。父子卒于貶所。

秋七月。罷王雱從祀孔子。

九月。丁酉朔。日食。

戊戌五年。

金大定十八年。

春正月。侍御史謝廓然請禁有司毋以程

頤王安石之說取士。

未幾。秘書郎趙彥中復疏言科舉之文。成式具在。今乃祖性理之說。以浮言游詞相高。士之信道自守。以六經聖賢爲師。可矣。而別爲洛學。飾怪驚愚。外假誠敬之名。內濟虛僞之實。士風日弊。人才日偷。望詔執事。使明知聖朝好惡所在。以變士風。帝從之。

三月以史浩爲右丞相兼樞密使王淮

字季海金華人

知樞密院

事趙雄參知政事

帝謂浩曰自葉衡罷虛席以待卿久矣

夏四月以陳俊卿判建康府

時曾覿王抃甘昇三人盤結擅政進退大臣權震中外士大夫爭附之俊卿自興化赴建康過關入對因極言三人招權納賄薦進人才而以中批行之等事且曰去國十年見成都穀賤人安惟士大夫風俗大變帝曰何也俊卿曰向士大夫奔覿抃之門十才一二尚畏人知今則公然趨附已七八不復顧忌矣人才進退由私門大非朝廷美事臣恐二人壞朝廷紀綱廢有司法度敗

天下風俗累陛下聖德。帝感其言。

秋七月。太尉提舉萬壽觀李顯忠卒。

諡忠襄。

顯忠復官後。賜第臨安。帝常奇其狀貌魁傑。命繪像閣下。及卒。贈開府儀同三司。

顯忠志復中原。見忤秦檜。屢遭廢黜。符離之役。又為邵宏

淵所忌。竟無成功。

冬十一月。史浩罷。以趙雄為右丞相。王淮為樞密使。錢良

臣

字友魏。華亭人。參知政事。

樞密都承旨王抃。建議募補殿步二司軍虛額。輒捕市人。軍士乘隙。掠取民財。浩奏盡釋所捕。而擒軍民首讎。斃者送獄。獄成。議取兵民各一人斬以徇。浩又奏始覺者軍人也。法固當。民陸慶童特與抗鬪爾。何可同罰。帝

怒。乃求去。後有言慶童之寃者。帝始悔不從浩言。

己亥

六年。金大定十九年。夏旱。詔求直言。

知南康軍朱熹上疏。

畧曰。天下之務。莫大于恤民。而恤民之本。在人君正心術。以立紀綱。

蓋紀綱不能以自立。必人主之心術。公平正大。無偏黨反側之私。然後有所繫而立。君心不能以自正。必親賢臣。遠小人。講明義理。閉塞私邪。然後可得而正。今宰相臺省師傅賓友諫諍之臣。皆失其職。而陛下所與親密謀議者。不過一二近習之臣。使陛下之號令黜陟。不復出于朝廷。而出一二人之門。名為陛下獨斷。而實此一二人者。陰執其柄。臣恐莫大之禍。必至之憂。近在朝夕。而陛下獨未知之。帝讀之。大怒曰。

是以我為亡也。諭趙雄令分析。雄言于帝曰。士之好名。

陛下疾之愈甚。則人之譽之愈衆。無乃適所以高之。不

若因其長而用之。彼漸當事任。能否自見矣。帝以為然。

詔以熹提舉江西常平茶鹽。

子庚七年。金大定二十年。春二月。魏王愷卒。諡惠憲。

愷寬慈。為帝深愛。雖出于外。心每念之。賜賚不絕。及卒。帝泣然曰。向所以越次建儲。正為此子福氣差薄耳。二子櫨。柄。櫨早卒。

右文殿修撰張栻卒。

栻病且死。猶手疏勸帝親君子。遠小人。信任防一己之偏。好惡公天下之理。天下傳誦之。卒年四十八。帝聞之。

嗟嘆不已。朱熹與黃幹

字直卿。福州閩縣人。

書曰。吾道益孤矣。栻

悟夙成。父沒愛之。自幼學所教。莫非仁義忠孝之實。長師胡宏。宏以孔門論仁親切之旨告之。栻退而思。若有得焉。宏稱之曰。聖門有人矣。栻益自奮勵。以古聖賢自期。作希顏錄。為人表裏洞然。勇于從義。無毫髮滯吝。每進對。必自盟于心。不可以人主意。輒有所隨順。帝嘗言仗節死義之臣難得。栻對。當于犯顏敢諫中求之。若平

時不能犯顏敢諫。他日何望其仗節死義。帝又言難得辦事之臣。忾對。陛下當求曉事之臣。不當求辦事之臣。若但求辦事之臣。則他日敗陛下事者。未必非此人。也。其遠小人尤嚴。爲都司曰。肩輿出遇會觀。觀舉手欲揖。忾急掩其窻櫺。觀慙。手不得下。所至郡。暇日召諸生告語。民以事至庭。必隨事開曉。具爲條教。大抵以正禮俗。明倫紀爲先。斥異端。毀淫祠。而崇社稷。山川。古先聖賢之祀。忾聞道甚蚤。朱熹嘗言已之學。乃銖積寸累而成。如敬夫。則大本卓然。先有見者也。忾所著論語孟子說太極圖說。洙泗言仁錄。諸葛武侯傳。經世紀年。行于世。嘗言曰。學莫先于義利之辨。義者。本心之當爲。非有爲而爲也。有爲而爲。則皆人欲。非天理也。學者稱爲南軒先生。

夏五月。以周必大參知政事。謝廓然簽書樞密院事。

必大爲翰林學士。幾六年。制命溫雅。周盡事情。爲一時詞臣之冠。及拜參政。帝謂之曰。執政于宰相。固當和而不同。前此宰相議事。執政更無語。何也。必大對曰。大臣

中官典兵為患最甚前代
即不具論徽宗之任童貫
覆轍不遠時擬乃欲令陳
源兼浙西總管意出廷臣
安知非與源交通者孝宗
惟因汝愚論駁中止其事
而不究其議倡自何人則
邪諂之徒何由知畏求幾
而源恃恩專恣甚至廢役
補官專橫若此惟以一鼠

自應互相可否。自秦檜當國。執政不敢措一辭。後遂以
為當然。陛下虛心無我。人臣乃欲自是乎。雖小事不敢
有隱。則大事何由蔽欺。帝深然之。

冬十二月。資政殿學士致仕胡銓卒。諡忠簡。

辛丑八年。金大定二年。春正月。詔罷內侍兼兵職。

時擬以德壽宮提舉陳源帶浙西副總管。給事中趙汝

愚。字子直。漢恭憲王元佐七世孫。居饒之餘干縣。論駁以為不當。帝諭宰執曰。

汝愚言有理。且可防微杜漸。進呈太上。亦以為然。遂詔

自今內侍不得兼兵職。樞密院遵守。永為定制。

秋七月。著作郎呂祖謙。字伯恭。婺州人。卒。

祖謙先為著作郎。以末疾乞祠歸。帝命脩皇朝文鑑。既

了事及光宗立源以實緣
復用煽禍無窮不可謂非
孝宗姑息貽患也

成除直秘閣。是年仍遷著作郎兼國史院編脩卒。祖謙

簡五世孫。自其祖好問始居婺州。其學本之家庭。有中
原文獻之傳。長從林之奇。汪應辰。胡憲游。而友張栻。朱
熹。學以關洛為宗。旁稽載籍。心平氣和。不立崖異。少忤
急。一日誦孔子躬自厚而薄責于人之言。忽覺平時忿
懣渙然冰釋。朱熹嘗言學如伯恭。方是能變化氣質。其
所講畫將以開物成務。既臥病而任重道遠之志不衰。
居家之政。皆可以為後世法。著讀書記。大事記。皆未成
書。考定古周易。書說。閫範。官箴。辨志錄。行于世。學者稱
為東萊先生。

八月趙雄罷。

雄自四川幕官。陳恢復之策。為帝所奇。不數年致位右
相。每進見。必言二帝在沙漠。未嘗離諸口也。及帝眷衰。
有言雄多私。里黨者。帝疑之。會陳峴字壽南。溫州平陽人。帥四川。
命從中出。雄遂求去。乃出知瀘州。

以王淮爲右丞相兼樞密使。

淮旣相。問太子侍讀楊萬里。

字廷秀吉州吉水人。

曰。宰相先務何

事。萬里曰。人才。淮因問其人。萬里卽疏朱熹袁樞。

字機仲建

安人。以下六十人。

九月。以朱熹提舉浙東常平茶鹽。冬十二月。下熹社倉法于諸路。

浙東大饑。王淮薦熹。卽日單車就道。召入對。首陳災異之由。與脩德任人之說。因及時政之缺。凡七事。帝深納之。熹始拜命。卽移書他郡。募米商蠲其征。及至。則米已罄集。熹曰。鉤訪民隱。按行境內。單車屏徒從。所至人不及知。郡縣官吏。憚其風采。至自引去。所部肅然。凡政有

不便于民者。悉釐革之。有短熹者。謂其疏于爲政。帝謂王淮曰。朱熹政事。卻有可觀。淮言脩舉荒政。是行其所學。民被實惠。宜進職以旌之。乃進熹直徽猷閣。熹言。乾道四年。民艱食。熹請于府。得常平米六百石賑貸。夏受粟于倉。冬則加息計米以償。自後隨年歛散。歉蠲其息之半。大饑則盡蠲之。凡十有四年。以元數六百石還府。見儲米三千一百石。以爲社倉。不復收息。每石止收耗米三升。以故一鄉四十五里間。雖遇歉年。民不飲食。詔下其法于諸路。其法以十家爲甲。甲推一人爲首。五十家則推一人通曉者爲社首。其逃軍及無行之士。與有稅糧衣食不缺者。並不得入甲。其應入甲者。又問其願與不願。願者開具一家大小口若干。大口一石。小口五斗。五歲以下者。不預。置籍以貸之。其以濕惡不實還者。有罰。

壬寅九年。金大定二年。秋九月。以朱熹為江西提刑。熹辭不拜。

朱熹行部至台。知州唐仲友。字與政。金華人。為其民所訟。熹按

得其實。而仲友與王淮同里。且為姻家。已除江西提刑。

未行而熹論之。淮匿其章不以聞。時淮拜左丞相。熹論益力。章

前後六上。淮不得已。奪仲友江西新命。以授熹。熹辭不

拜。遂乞奉祠。

癸卯十年。金大定二年。春正月。以黃洽。字德潤。福州侯官人。為御史中丞。

洽為中丞。盡言無隱。然所論列。未嘗擿摭細故。嘗奏云。

因言固可以知人。輕聽亦至于失人。是故聽言不厭其

廣。廣則庶幾其無壅。擇言不厭其審。審則庶幾其無誤。

帝深然之。洽為人質直端重。有大臣體。嘗言居家不欺親。仕不欺君。仰不欺天。俯不欺人。幽不欺鬼。

神何用求
福報哉

二月。內侍陳源有罪。竄郴州。

源提舉德壽宮。恃恩專恣。其廝役亦補官。帝聞而惡之。乃竄郴州。籍其家以進德壽宮。

夏六月。監察御史陳賈請禁道學。

王淮以唐仲友之故。怨朱熹。欲沮之。吏部尚書鄭丙。

融福州
長樂人。

雅厚仲友。且迎合淮意。乃上疏言近世士大夫

有所謂道學者。欺世盜名。不宜信用。帝已惑其說。淮又以太府丞陳賈爲監察御史。賈因面對。首論曰。邪正之辨。誠與僞而已。表裏相副。是之謂誠。言行相違。是之謂僞。臣伏見近世道學之徒。其說以謹獨爲能。以踐履爲

高以正心誠意克己復禮爲事。夷考其所爲。則大不然。是假其名以濟其僞也。臣願陛下明詔中外。痛革此習。每于聽納除授之間。考察其人。擯斥勿用。蓋指熹也。帝從之。後直學士院尤袤以程氏之學爲陳賈所攻。言于帝曰。道學者堯舜所以帝禹湯文武所以王周公孔孟所以設教。近立此名。詆訾士君子。故臨財不苟得。所謂廉介安貧守道。所謂恬退。擇言顧行。所謂踐履。行已有恥。所謂名節。皆目之爲道學。此名一立。賢人君子欲自見于世。一舉足且入其中。俱無得免。此豈盛世所宜有。願循名責實。聽言觀行。人情庶不壞于疑似。帝曰。道學豈不美之名。正恐假託爲姦。真僞相亂。尤袤字延之。常州無錫人。

冬十一月壬戌朔日食。

甲辰十一年。

金大定二十四年。

春三月金主如會寧。

金主將如會寧。諭太子守國。太子以不諳政務辭。金主

曰。政事無甚難。但用心公正。毋納讒邪。久之自熟。太子乃受守國寶。

乙巳

十二年。

金大定二十五年。

夏四月。金主還燕。

金主曲赦會寧府。放免今年租稅。百姓年七十以上者。補一官。謂羣臣曰。上京風物。朕自樂之。每奏還都。輒用感愴。祖宗舊鄉。不忍舍去。萬歲之後。當置朕于太祖之側。卿等無忘朕言。遂宴宗室宗婦于皇武殿。賜官賞賚有差。曰。尋常朕不飲酒。今日甚欲成醉。此樂亦不易得也。宗室婦女及羣臣故老。以次起舞進酒。金主曰。吾來數月。未有一人歌本曲者。吾自爲汝等歌之。其詞道王業艱難。及繼述之不易。至慨想祖宗。宛然如覩。歌畢。泣

觀至此而不懔然惕懔然
失愀然感者亦無人心者
矣

下羣臣宗戚捧觴上壽皆稱萬歲于是諸夫人更歌本曲如私家之會既醉金主復續調至一鼓乃罷明日發上京宗室戚屬奉辭金主曰太平歲久國無征徭汝等皆奢縱往往貧乏朕甚憐之當務儉約無忘祖宗艱難因泣下數行宗室戚屬皆感泣而退金主遂行

丙十三年金大定二十六年夏五月宴講臣于秘書省

以進讀陸贄奏議終篇賜侍讀蕭燧

字照鄰臨江軍人

等御筵

及金器鞍馬帝召宰執賜酒從容語曰自古人主讀書少有知道知之亦罕能行之唐德宗豈不知書然所行不至與陸贄論事皆使中人傳旨且事有是非面相詰難猶恐未盡傳旨安能盡邪投機之會聞不容髮惟其

若此。誤事多矣。故朕每事以德宗爲戒。

賜處士郭雍

字子和。其先洛陽人。

號頤正先生。

雍父忠孝。師事程頤。著易說。號兼山先生。雍傳其學。通世務。隱居峽州。乾道中。守臣薦于朝。召不起。帝稔其賢。每對輔臣稱道之。命所在州郡歲時致禮存問。至是。賜號頤正先生。令部使者遣官就問。雍所欲言。備錄來上。時雍年八十三矣。

秋八月。日月五星聚軫。

丁十四年。

金大定二十七年。

春二月。以周必大爲右丞相。施師點

字聖與。

上饒人。知樞密院事。

時封事多言大臣異同。必大曰。各盡所見。歸于一是。豈

可尚同。陛下復祖宗舊制。命三省覆奏而後行。正欲上下相維。非止奉文書也。師黜先拜參知政事。十年帝謂八月曰。卿靜重有守。識慮深遠。朕欲用卿久矣。及是遂有是命。

秋八月。以留正

字仲至。泉州永春人。從效六世孫。

參知政事。

正制置四川。以簡素化民。既而以簽樞召還。

事在十二年閏七月。

歸裝。僅書幾簾而已。人服其清。及是。乃參知政事。

九月。太上皇有疾。冬十月。帝罷朝侍疾。赦。

太上皇崩。遺詔太上皇后改稱皇太后。帝致喪三年。

太上皇崩。帝號慟。擗踊踰二日不進膳。謂王淮等曰。晉

孝武。魏孝文。實行三年喪服。何妨聽政。司馬光通鑑所

載甚詳。淮對曰。晉武雖有此意。後來在宮中止用深衣。練冠。帝曰。當時羣臣不能將順其美。光所以譏之。自我作古。何害。于是詔曰。大行太上皇帝。奄棄至養。朕當衰服三年。羣臣自遵易月之令。百官五上表。請帝還內聽政。不許。至十二月辛丑。禪祭。百官釋服。復三上表。請御殿聽政。不許。

遣使如金。

以上皇崩。遣韋璞如金告哀。復遣顏師魯

字幾聖。彭州龍溪人。致

太上遺留物于金。金主以其中玉器五。玻璃器二十。及弓劍之屬。命師魯歸報曰。此皆爾國前主珍玩之物。所宜寶藏。以無忘追慕。今受之。義有所不忍也。

十一月詔皇太子參決庶務。

帝始以白布巾袍視事于延和殿。朔望詣德壽宮。則衰經而杖如初。因詔太子參決庶務于議事堂。左諭德尤表言于太子曰。大權所在。天下之所爭趨。甚可懼也。願殿下事無大小。一取上旨而後行。情無厚薄。一付衆議而後定。又曰。儲副之位。止于侍膳問安。不交外事。撫軍監國。自漢至今。多出權宜。事權不一。動有觸礙。乞俟祔廟之後。便行懇辭。以彰殿下令德。

十二月大理寺奏獄空。

金禁女真人學南人衣飾。

金主嘗謂從官曰。女真舊風。最爲純直。汝等當習學之。

唐虞之世。皇陶爲士師。可謂盛矣。典謨所載。一則曰。惟刑之恤。再則曰。刑期于無刑。而五刑五用。亦祇勉以明允而已。成廢刑措。不

用蓋承文武立綱陳紀之後務在垂拱仰成然其說亦始子漢世而其時之稱文景者惟曰刑罰大省管者得全非若郡邑循吏之粉飾圖空也大理獄空之說自宋季始神宗高宗與此而三夫元紹興間政治紛厯淳熙亦無善理可紀安得比美成周跡其故不遇事多廢弛意復姑息一切概置不問如是而謂為獄空亦何足取讀書論世則其真偽固不待辨而自明矣

不可忘也。又曰。凡資用當務節省。勿妄費。至是禁女真不得學南人衣飾。

戊申

十五年

金大定二年

春正月。復置補闕拾遺官。

時倣唐制立官。帝自除左補闕薛叔似。

字象先。其先河東人。從永嘉。

等。已而叔似上疏劾王淮。帝曰。卿等官以補闕拾遺為

名。專主規正人主。不任糾劾。今所奏乃類彈擊。甚非設

官命名之意。宜思自警。

二月。金遣使弔祭。

帝遣中書檢正公事京鏐

字仲遠。豫章人。

為報謝使。金人循故

事。設宴用樂。鏐力辭。金人不可。鏐率其屬竟出館門。館

使以白。金主曰。南朝直臣也。命如其請。及還。帝以其能

執禮特進官權工部侍郎。

三月葬永思陵。

在紹興府會稽縣東南寶山。

洪邁請廟號世祖。尤袤言。光武以長沙王後布衣崛起。不與哀平相繼。其稱祖無嫌。太上中興。雖同光武。實繼徽宗正統。以子繼父。非光武比。乃定號高宗。

史臣曰。高宗恭儉仁厚。以之繼體守文。則有餘。撥亂反正。則不足。當其初立。因四方勤王之師。內相李綱。外任宗澤。天下之事。宜無不可爲者。顧乃播遷窮僻。坐失事機。始惑于汪黃。終制于秦檜。偷安忍恥。匿怨忘親。以貽來世之譏悲夫。

夏四月。祔高宗主于太廟。

下詔曰。朕比下令欲衰經三年。羣臣屢請御殿易服。故以布素視事內殿。雖有俟過祔廟。勉從所請之詔。然稽

諸典禮。心實未安。行之終制。乃爲近古。宜體至意。勿復有請。

五月。王淮罷。

淮爲相。能盡心事上。惟以唐仲友故。爲道學之禁。毒痛善類。論者譏之。

六月。以朱熹爲兵部郎官。旣而罷之。貶侍郎林栗。字黃中。福州福清人。知泉州。

王淮旣罷。周必大薦熹爲江西提刑。入奏事。或要于路。曰。正心誠意之論。上所厭聞。慎勿復言。熹曰。吾平生所學。惟此四字。豈可隱默以欺吾君乎。及入對。首言天理人欲之辨。畧曰。陛下居虛明應物之地。而天理有所未人欲之辨。畧曰。陛下居虛明應物之地。而天理有所未

惡不能去其根。一念之頃。公私邪正是非得失之機。交戰于中。願自今以往。一念之頃。必察夫天理人欲。果天理邪。則敬以充之。而不使少有壅閼。果人欲邪。則敬以克之。而不使少有疑滯。推而至于言語動作之間。用人處事之際。無不以是裁之。則聖心洞徹。而天下之事。將惟陛下所欲爲。無不如志矣。帝曰。久不見卿。浙東之事。朕自知之。今當處卿清要。不復以州縣爲煩也。時曾覲已死。王抃已逐。獨內侍甘昇尙在。熹力論之。帝曰。昇有才。熹曰。小人無才。安能動人主。除兵部郎官。熹以足疾乞祠。兵部侍郎林栗與熹論易西銘不合。遂疏論之。疏曰。熹本無學術。徒竊張載程頤之緒餘。謂之道學。妄自推尊。所至輒携門生數十人。習爲春秋戰國之態。妄希孔門歷聘之風。今採其虛名。將置朝列。而熹聞命遷延。邀索高價。旣經陞對。得旨除郎。而傲睨累日。不肯供職。緣熹旣除兵部。在臣合有統攝。若不舉劾。厥罪惟均。望將熹停罷。以爲事君無禮者之戒。帝謂栗言過當。而大臣畏栗之彊。莫敢深論。乃命熹

依舊江西提刑。周必大言熹上殿之日。足疾未瘳。勉強

登對。帝曰。朕亦見其跛曳。左補闕薛叔似亦奏言之。太常

博士葉適上疏曰。考栗劾熹之辭。始末參驗。無一實者。特發其私意。而遂忘其欺耳。至于其中謂之道學一語。利害所繫。不獨于熹。蓋自昔小人殘害忠良。率有指名。或以為好名。或以為立異。或以為植黨。近又覩為道學之目。鄭丙倡之。陳賈和之。居要津者。密相付授。見士大夫有稍自潔脩者。輒以道學之名歸之。以為善為玷。缺以好學為已愆。相與指目。使不得進。于是賢士惴慄。中材解體。銷聲滅影。穢德垢行。以避此名。往日王淮表裏臺諫。陰廢正人。蓋用此術。栗為侍從。無以達陛下之德。意志慮。而更襲用鄭丙陳賈密相付授之說。以道學為大罪。文致語言。遂去一熹。固未甚害。第恐自此游辭無實。謔言橫生。良善受禍。何所不有。伏望陛下正紀綱。斷所在。絕欺罔。于既形。摧折暴橫。以扶善類。奮發剛斷。以慰公言。疏入。不報。葉適字正則永嘉人。會胡

晉臣

字子遠。蜀州人。

拜侍御史。首劾栗喜同惡異。無事而指學

者為黨。乃出栗知泉州。而熹亦除直寶文閣。奉祠而去。

秋七月。恩平王璩卒。

帝友愛甚至。每召璩內宴。呼以官而不名。賜予無算。卒追封信王。

八月甲子朔。日食。

冬十二月。以朱熹爲崇政殿說書。熹辭不至。

熹旣歸。投匭進封事。言大本急務。大本者。陛下之心。急務則輔翼太子。選用大臣。振舉紀綱。變化風俗。愛養民力。脩明軍政。凡此六事。皆不可緩。而本在于陛下之一心。一心正。則六事無不正。一有人心私欲。以介其間。則雖億精勞心。不可爲矣。疏入。夜漏下七刻。帝已就寢。急起秉燭。讀之終篇。明日。除主管西太一宮。兼崇政殿說

書熹力辭。乃以秘閣脩撰奉祠。

巳酉十六年

金大定二十九年

春正月。金主昀。孫璟立。

是為章宗。

金主太子允恭先卒。以孫原王瑪達干

舊作麻達葛。今改。後仿此。判

大興尹。又以為右丞相。更名璟。使親見朝廷。議論習知

政事之體。至是金主昀。璟即位。追號金主曰世宗。允恭

曰顯宗。母圖克坦氏為太后。

世宗于金最為賢主。以昭德后烏凌噶氏守節而死。

終身不立后。雅尚儉素。命宮中之飾。勿得用黃金。嘗謂

近臣曰。朕于宮室。惟恐過度。其或興脩。即損宮人歲費

以充之。至于佛法。尤所未信。梁武帝為同泰寺奴。遼道

宗以民戶賜寺僧。復加以三公之官。其惑深矣。又曰。亡

遼日屠羊三百。亦豈能盡用。徒傷生耳。朕每當食時。嘗

思貧民饑餒。猶在已也。彼身為惡。而口祈福。何益之有。嘗謂宰相曰。卿等在省。未嘗薦士。止限資格。安能得人。又曰。卿等職居輔相。曾無薦舉。惟朕嘗言某人可用。然後從而言之。卿等既無所言。必待朕知。而後進用。將復有幾。又曰。帝王之政。固以寬慈為德。然梁武帝專務寬

慈以致綱紀大壞朕嘗思之賞罰不濫卽是寬政又曰朕觀唐史見太宗行事初甚勵精晚年與羣臣議多飾詞朕嘗思始終如一今雖年高敬慎之心無時或怠又曰朕自卽位以來言事者雖有狂妄未嘗罪之卿等未嘗肯盡言何也當言而不言是相疑也君臣無疑謂之嘉會事有利害可竭誠言之卽位五載南北講和與民休息羣臣守職上下相安家給人足倉廩有餘刑部斷死罪歲或十七人國人號稱小堯舜然舉賢之急求言之切不絕于口而羣臣不能將順其美以底大順惜哉

以周必大留正爲左右丞相

帝自高宗崩卽欲傳位太子嘗諭必大曰禮莫重于事宗廟而孟享多以病分詣孝莫大于執喪而不得日至德壽宮欲不還休得乎因密賜紹興傳位親札于必大命預草詔專以奉几筵侍東朝爲意而進必大爲首相二月辛酉朔日食

高宗崩未逾二年帝卽傳位名雖託于孝實則忌于政蓋知恢復之難成又恐建白之難拒故爲是退避之計其祖人臣之託言高宗者更爲可鄙

帝傳位于太子。太子卽位。是爲光宗尊帝爲壽皇聖帝。皇后爲

壽成皇后。皇太后爲壽聖皇太后。大赦。

先是更德壽宮爲重華宮。皇太后徙居慈福宮。帝傳位

太子。遂素服退居重華宮。

立皇后李氏。安陽人。慶遠節度使道之女。

后父道帥湖北。聞道士皇甫坦蜀之夾江人。善相人。乃出諸

女拜之。坦見后。驚不敢受拜。曰。此女當母天下。坦言于

高宗。遂聘爲恭王妃。生嘉王擴。性妬悍。常訴帝左右于

高宗。及壽皇。高宗不懌。謂吳后曰。是婦將種。吾爲皇甫

坦所誤。壽皇亦屢訓敕。令以皇太后爲法。不然行當廢

汝。后疑其語出于太后。憾之。至是立爲后。

三月廢補闕拾遺官。

御史中丞謝諤

字昌國臨江軍新喻人。

論其不可廢不聽。自是近

臣罕進言者。

夏五月周必大罷。

初何澹

字自然處州龍泉人。

與必大厚爲司業久不遷留正奏遷

之澹由是憾必大而德正爲諫議大夫首上疏攻必大

罷之。

知閤門事姜特立

字邦傑麗水人。

有罪免。

特立帝東宮舊臣也帝卽位命知閤門事聲勢寢盛留

正列其招權預政之罪乞斥逐之帝意未決會叅知政

事缺特立謂正曰上以丞相在位久欲遷左相葉翥張

构。卽
浚子。一尚書當擇一人執政。未知孰先。正奏之。帝大怒。
詔特立奉祠。壽皇聞之曰。留正真宰相也。

